


史記 傳二十一之三十一




十五

				漢書門
二	四	一	五	
冊	架	函	號	類

庫	文	閣	内
二		五	漢
九		〇	書
函		二	
二		〇	
架	冊	號	類

内閣文庫	
番號	漢 5002
冊數	20 (15)
函號	279 8



糊などで貼り付けられている部分がめくれない箇所あり

廉頗藺相如列傳第二十一 史記八十一

廉頗者趙之良將也趙惠文王十六年廉頗為趙將

伐齊大破之取陽晉

索隱曰陽晉衛地後屬齊今趙取之司馬彪郡國志曰今衛國陽晉城是也有本作

晉陽非也晉陽在太原雖亦趙地非齊所取也拜為上卿以勇氣

聞於諸侯藺相如者趙人也為趙宦者令繆賢舍人


趙惠文王時得楚和氏璧秦昭王聞之使人遺趙王書

願以十五城請易璧趙王與大將軍廉頗諸大臣謀欲

予秦秦城恐不可得徒見欺欲勿予即患秦兵之來計

未定求人可使報秦者未得宦者令繆賢曰臣舍人藺

相如可使王問何以知之對曰臣嘗有罪竊計欲亡走



萬曆二十四年刊

每頁四行口寸厚三

燕臣舍人相如止臣曰君何以知燕王臣語曰臣嘗從
大王與燕王會境上燕王私握臣手曰願結友以此知
之故欲往相如謂臣曰夫趙彊而燕弱而君幸於趙王
故燕王欲結於君今君乃亡趙走燕燕畏趙其勢必不
敢留君而東君歸趙矣君不如肉袒伏斧質請罪則幸
得脫矣臣從其計大王亦幸赦臣臣竊以爲其人勇士
有智謀宜可使於是王召見問藺相如曰秦王以十五
城請易寡人之璧可予不相如曰秦彊而趙弱不可不
許王曰取吾璧不予我城柰何相如曰秦以城求璧而
趙不許曲在趙趙予璧而秦不予趙城曲在秦均之二

策寧許以負秦曲王曰誰可使者相如曰王必無人臣願
奉璧往使城入趙而璧留秦城不入臣請完璧歸趙趙
王於是遂遣相如奉璧西入秦秦王坐章臺見相如相
如奉璧奏秦王秦王大喜傳以示美人及左右左右皆
呼萬歲相如視秦王無意償趙城乃前曰璧有瑕請指
示王王授璧相如因持璧却立倚柱怒髮上衝冠謂秦
王曰大王欲得璧使人發書至趙王趙王悉召群臣議
皆曰秦貪負其彊以空言求璧償城恐不可得議不欲
予秦璧臣以爲布衣之交尚不相欺况大國乎且以一
璧之故逆彊秦之驪不可於是趙王乃齋戒五日使臣

奉璧拜送書於庭何者嚴大國之威以脩敬也今臣至大王見臣列觀禮節甚倨得璧傳之美人以戲弄臣臣觀大王無意償趙王城邑故臣復取璧大王必欲急臣臣頭今與璧俱碎於柱矣相如持其璧睨柱欲以擊柱秦王恐其破璧乃辭謝固請召有司案圖指從此以往十五都予趙相如度秦王特以詐佯為予趙城實不可得乃謂秦王曰和氏璧天下所共傳寶也趙王恐不敢不獻趙王送璧時齋戒五日今大王亦宜齋戒五日設九賓於廷

韋昭曰九賓則周禮九儀○索隱曰周禮大行人別九賓謂九服之賓客也列士傳云設九牢也○正義曰劉伯莊云九賓者周三備之禮天子臨軒九服同會秦趙何得九賓但亦陳設車輅文物耳

臣乃敢上璧秦王度之終不可彊奪遂許齋五日舍相如廣成傳舍

索隱曰廣成是傳舍之名

衣褐懷其璧從徑道亡歸璧于趙秦王齋五日後乃設九賓禮於庭引趙使者藺相如相如至謂秦王曰秦自

繆公以來二十餘君未嘗有堅明約束者也臣誠恐見欺於王而負趙故令人持璧歸聞至趙矣且秦彊而趙弱大王遣一介之使至趙趙立奉璧來今以秦之彊而先割十五都予趙趙豈敢留璧而得罪於大王乎臣知欺大王之罪當誅臣請就湯鑊唯大王與群臣孰計議之秦王與羣臣相視而嘻

索隱曰音希嘻乃驚而怒之辭也

左右或欲引

相如去秦王因曰今殺相如終不能得璧也而絕秦趙之驩不如因而厚遇之使歸趙趙王豈以一璧之故欺秦邪卒廷見相如畢禮而歸之相如既歸趙王以為賢大夫使不辱於諸侯拜相如為上大夫秦亦不以城予趙趙亦終不予秦璧其後秦伐趙拔石城

徐廣曰惠文王十八年○索隱曰劉氏云蓋謂石邑也○正義曰故石城在相州林慮縣南九十里也 明年復攻趙殺二萬人秦王使使者告趙王欲與王為好會於西河外澠池

索隱曰在西河之南故云外按表在趙惠文王二十年 趙王畏秦欲毋行廉頗藺相如計曰王不行示趙弱且怯也趙王遂行相如從廉頗送至境與王訣曰王行度道里會遇之禮畢還不過三十日三

十日不還則請立太子為王以絕秦望王許之遂與秦王會澠池

徐廣曰二十一年 秦王飲酒酣曰寡人竊聞趙王好音請奏瑟趙王鼓瑟秦御史前書曰其年月日秦王與趙王會飲令趙王鼓瑟藺相如前曰趙王竊聞秦王善為秦聲請奉盆缶秦王以相娛樂

風俗通義曰正者瓦器所以盛酒漿秦人鼓之以節歌也○索隱曰瓠音正 秦王怒不許於是相如前進缶因跪請秦王秦王不肯擊瓠相如曰五步之內相如請得以頸血濺大王矣

正義曰濺音贊 左右欲刃相如張目叱之左右皆靡於是秦王不憚為一擊瓠相如顧召趙御史書曰其年月日秦王為趙王擊瓠秦之羣臣曰請以趙十五城為秦王

壽蘭相如亦曰請以秦之咸陽為趙王壽秦王竟酒終不能加勝於趙趙亦盛設兵以待秦秦不敢動既罷歸國以相如功大拜為上卿位在廉頗之右廉頗曰我為趙將有攻城野戰之大功而蘭相如徒以口舌為勞而位居我上且相如素賤人吾羞不忍為之下宣言曰我見相如必辱之相如聞不肯與會相如每朝時常稱病不欲與廉頗爭刻已而相如出望見廉頗相如引車避匿於是舍人相與諫曰臣所以去親戚而事君者徒慕君之高義也今君與廉頗同列廉君宣惡言而君畏匿之恐懼殊甚且庸人尚羞之況於將相乎臣等不肖請

辭去蘭相如固止之曰公之視廉將軍孰與秦王曰不若也相如曰夫以秦王之威而相如廷叱之辱其羣臣相如雖驚獨畏廉將軍哉顧吾念之彊秦之所以不敢加兵於趙者徒以吾兩人在也今兩虎共鬪其勢不俱生吾所以為此者以先國家之急而後私讎也廉頗聞之肉袒負荆索隱曰肉袒者謂袒衣而露肉也負荆者荆楚也可以為鞭也因賓客至蘭相如門謝罪曰鄙賤之人不知將軍寬之至此也卒相與驩為刎頸之交索隱曰崔浩曰要齊生死而勿頸無悔也是歲廉頗東攻齊破其一軍居二年廉頗復伐齊幾拔之徐廣曰幾邑名也案趙世家

家惠文王二十三年頗將攻魏之幾邑取之而齊世家及在表無伐齊幾拔之事疑幾是邑名而或屬齊或屬魏耳田單在齊不得至於拔也

○索隱曰世家與此列傳合而戰國策云秦敗闕與反攻魏幾是後

三年廉頗攻魏之防陵安陽拔之索隱曰按防陵在楚之西屬漢中郡魏有房子蓋陵

字誤也○正義曰城在相州安陽縣南二十里因防水為名後四年藺相如將而攻齊至

平邑而罷正義曰故城在魏州昌樂縣東北三十里其明年趙奢破秦軍闕與

下

趙奢者趙之田部吏也收租稅而平原君家不肯出趙

奢以法治之殺平原君用事者九人平原君怒將殺奢

奢因說曰君於趙為貴公子今縱君家而不奉公則法

削法削則國弱國弱則諸侯加兵諸侯加兵是無趙也

君安得有此富乎以君之貴奉公如法則上下平上下

平則國彊國彊則趙固而君為貴戚豈輕於天下邪乎

原君以為賢言之於王王用之治國賦國賦大平民富

而府庫實秦伐韓軍於闕與王召廉頗而問曰可救不

對曰道遠險狹難救又召樂乘而問焉樂乘對如廉頗

言又名問趙奢奢對曰其道遠險狹譬之猶兩鼠鬪於

穴中將勇者勝王乃令趙奢將救之兵去邯鄲三十里

而令軍中曰有以軍事諫者死秦軍軍武安西徐廣曰屬魏郡

在邯鄲西秦軍鼓譟勒兵武安屋瓦盡振軍中候有一人言

急救武安趙奢立斬之堅壁留二十八日不行復益增

壘秦聞來入趙奢善食而遣之間以報秦將秦將大喜

曰夫去國三十里

正義曰國謂邯鄲趙之都也

而軍不行乃增壘闕與

非趙地也趙奢既已遣秦閒乃卷甲而趨之二日一夜

至今善射者去闕與五十里而軍軍壘成秦人聞之悉

甲而至軍士許歷請以軍事諫趙奢曰內之許歷曰秦

人不意趙師至此其來氣盛將軍必厚集其陣以待之

不然必敗趙奢曰請受令許歷曰請就鈇質之誅趙奢

曰胥後令

索隱曰按胥須古人通用今者胥後令謂胥為須須待也待後令謂許歷之言更不擬誅之故更待後令也○正義

曰胥猶須也軍去城都一十里而不行未有計過險狹恐人諫令急救武安乃出此令今垂戰須得謀策不用前令故云須後令云耳邯

鄲許歷復請諫

索隱曰邯鄲二字當為欲戰謂臨戰之時許歷復

有謂其計遂破秦軍也江遂曰漢令稱

曰先據北山上者勝

正義

曰闕與山在洛州武安縣西南五十里趙奢距秦軍於闕與即此山也

接括地志云言距秦軍在此山疑其大近洛州既去邯鄲三十里而軍

又云移之二日一夜至闕與五十里而軍壘成據今洛州去

潞州三百里間而隔相州恐潞州闕與聚城是所距據處後至者

敗趙奢許諾即發萬人趨之秦兵後至爭山不得上趙

奢縱兵擊之大破秦軍秦軍解而走遂解闕與之圍而

歸趙惠文王賜奢號為馬服君以許歷為國尉趙奢於

是與廉頗藺相如同位後四年趙惠文王卒子孝成王

立七年秦與趙兵相距長平時趙奢已死

張華曰趙奢冢在邯鄲界西山

上謂之馬服山

而藺相如病篤使廉頗將攻秦秦數敗趙軍趙

軍固壁不戰秦數挑戰廉頗不肯趙王信秦之間秦之

間言曰秦之所惡獨畏馬服君趙奢之子趙括為將耳

趙王因以括為將代廉頗藺相如曰王以名使括若膠柱而鼓瑟耳括徒能讀其父書傳不知合變也趙王不聽遂將之趙括自少時學兵法言兵事以天下莫能當嘗與其父奢言兵事奢不能難然不謂善括母問奢其故奢曰兵死地也而括易言之使趙不將括即已若必將之破趙軍者必括也及括將行其母上書言於王曰括不可使將王曰何以對曰始妾事其父時為將身所奉飯飲而進食者以十數正義曰奉音捧所友者以百數大王及宗室所賞賜者盡以予軍吏士大夫受命之日不問家事今括一旦為將東向而朝軍吏無敢仰視之者王

所賜金帛歸藏於家而日視便利田宅可買者買之王以為何如其父父子異心願王勿遣王曰母置之吾已決矣括母因曰王終遣之即有不如不稱妾得無隨坐乎王許諾趙括既代廉頗悉更約束易置軍吏秦將白起聞之縱奇兵佯敗走而絕其糧道分斷其軍為二士卒離心四十餘日軍餓趙括出銳卒自搏戰秦軍射殺趙括括軍敗數十萬之眾遂降秦秦悉阬之趙前後所亡凡四十五萬明年秦兵遂圍邯鄲歲餘幾不得脫賴楚魏諸侯來救乃得解邯鄲之圍趙王亦以括毋先言竟不誅也自邯鄲圍解五年而燕用栗腹之謀

曰趙壯者盡於長平其孤未壯舉兵擊趙趙使廉頗將

擊大破燕軍於高殺栗腹遂圍燕燕割五城請和乃聽

之趙以尉文封廉頗為信平君索隱曰信平號也○徐廣曰尉文邑名按漢書表有尉文

節侯云在南郡蓋尉官也文名也謂取尉文所食之邑復以封頗而號為信平君也為假相國廉頗之免

長平歸也失勢之時故客盡去及復用為將客又復至

廉頗曰客退矣客曰吁君何見之晚也夫天下以市道

交君有勢我則從君君無勢則去此固其理也有何怨

乎居六年趙使廉頗伐魏之繁陽徐廣曰屬魏郡○正義曰在相州內黃縣東北也

拔之趙孝成王卒子悼襄王立使樂乘代廉頗廉頗怒

攻樂乘樂乘走廉頗遂奔魏之大梁其明年趙乃以

李牧為將而攻燕拔武遂方城索隱曰地理志武遂屬河間國方城屬廣陽也○正義曰

武遂易州遂地也方城在幽州固安縣南十里廉頗居梁久之魏不能信用趙以數

困於秦兵趙王思復得廉頗廉頗亦思復用於趙趙王

使使者視廉頗尚可用否廉頗之仇郭開多與使者金

令毀之趙使者既見廉頗廉頗為之一飯斗米肉十斤

被甲上馬以示尚可用趙使還報王曰廉將軍雖老尚

善飯然與臣坐頃之三遺矢矣索隱曰謂數起便也矢一作屎趙王以為

老遂不召楚聞廉頗在魏陰使人迎之廉頗一為楚將

無功曰我思用趙人廉頗卒死于壽春正義曰廉頗墓在壽州壽春縣北四

里藺相如墓在邯鄲西南六里

萬曆二十四年刊

李牧者趙之北邊良將也常居代鴈門備匈奴正義曰今鴈門

縣在代地故云鴈門也以便宜置吏市租皆輸入莫府如淳曰將軍征

為治故言莫府莫大也○索隱曰如淳解莫為大非也崔浩云古者出征為將帥軍還則罷理無常處以幕布為府署故曰幕府則莫當作幕

字之誤也為士卒費日擊數牛饗士習騎射謹烽火多間諜

索隱曰上紀見反下音牒厚遇戰士為約曰匈奴即入盜急入收保有

敢捕虜者斬匈奴每入烽火謹輒入收保不敢戰如是

數歲亦不亡失然匈奴以李牧為怯雖趙邊兵亦以為

吾將怯趙王讓李牧李牧如故趙王怒召之使他人代

將歲餘匈奴每來出戰出戰數不利死亡多邊不得田

畜正義曰許六反復請李牧李牧杜門不出固稱疾趙王乃

復彊起使將兵牧曰王必用臣臣如前乃敢奉令王許

之李牧至如故約匈奴數歲無所得終以為怯邊士日

得賞賜而不用皆願一戰於是乃具選車得千三百乘

選騎得萬三千匹百金之士五萬人管子曰能破敵擒將者賞百金彊者

十萬人索隱曰彊音古候反彊謂能射也悉勒習戰大縱畜牧人民滿野

匈奴小入佯北不勝以數千人委之索隱曰委謂弃之恣其殺畧也單于

聞之大率眾來入李牧多為奇陳張左右翼擊之大破

殺匈奴十餘萬騎滅襜褕襜都甘反襜路談反徐廣曰一作臨駟又案如淳曰胡名也在代地

破東胡降林胡單于奔走其後十餘歲匈奴不敢近趙

邊城趙悼襄王元年廉頗既亡入魏趙使李牧攻燕拔

武遂方城居二年龐煖破燕軍殺劇辛

索隱曰煖即馮煖也龐音皮江反煖

音况遠反又音喧劇辛本趙人仕燕

後七年秦破趙殺將扈輒於武遂城

索隱曰扈氏輒名濞

張耳時別有扈輒也劉氏云武遂本韓地在趙西恐非地理志河間武遂也

斬首十萬趙乃以李牧

為大將軍擊秦軍於宜安

正義曰在相州棗城縣西南三十里

大破秦軍走

秦將相齧

索隱曰齧音蟻

封李牧為武安君居三年秦攻番吾

索隱曰縣名地理志在常山音婆又音盤

李牧擊破秦軍南距

韓魏趙王遷七年秦使王翦攻趙趙使李牧司馬尚禦

之秦多與趙王寵臣郭開金為反間言李牧司馬尚欲

反趙王乃使趙葱及齊將顏聚代李牧李牧不受命趙

使人微捕得李牧斬之廢司馬尚後三月王翦因急擊

趙大破殺趙葱虜趙王遷及其將顏聚遂滅趙

太史公曰知死必勇非死者難也處死者難方藺相如

引璧睨柱及叱秦王左右勢不過誅然士或怯懦而不

敢發相如一奮其氣威信

索隱曰音申

敵國退而讓頗名重太

山其處智勇可謂兼之矣

索隱述贊曰

清颯凜凜

壯氣熊熊

各竭誠義

逝為雌雄

和璧聘返

澠池好通

負荆知懼

屈節推工

安邊定策

頗牧之功

田單列傳第二十二

史記八十二

田單者齊諸田疏屬也

索隱曰單音丹

潛王時單為臨菑市掾

不見知及燕使樂毅伐破齊齊潛王出奔已而保莒城

燕師長驅平齊而田單走安平

徐廣曰今之東安平也在青州臨菑縣東十九里古紀之

鄒邑齊改為安平秦滅齊改為東安平縣屬齊郡以定州有安平故加東字○索隱曰地理志東安平屬淄川國

令其宗人

盡斷其車軸末而傅鐵籠

徐廣曰傳音附○索隱曰斷音都緩反斷其軸恐長相撥也以鐵裹軸頭

堅而易進也傳者截其軸與轂齊以鐵銖附軸末施轄於鐵中以制轂也又方言曰車轄齊謂之籠郭璞云車軸也

已而燕軍

攻安平城壞齊人走爭塗以轄折車敗

徐廣曰轄車軸頭也音衛為

燕所虜唯田單宗人以鐵籠故得脫東保即墨燕既

盡降齊城唯獨莒即墨不下燕軍聞齊王在莒并兵

攻之淖齒徐廣曰多作淖齒也既殺湣王於莒因堅守距燕軍數

年不下燕引兵東圍即墨即墨大夫出與戰敗死城

中相與推田單曰安平之戰田單宗人以鐵籠得全

習兵立以為將軍以即墨距燕頃之燕昭王卒惠王立

與樂毅有隙田單聞之乃縱反間於燕宣王曰齊王已

死城之不拔者二耳樂毅畏誅而不敢歸以伐齊為名

實欲連兵南面而王齊齊人未附故且緩攻即墨以待

其事齊人所懼唯恐他將之來即墨殘矣燕王以為然

使騎劫代樂毅樂毅因歸趙燕人士卒忿而田單乃令

城中人食必祭其先祖於庭飛鳥悉翔舞城中下食燕

人怪之田單因宣言曰神來下教我乃令城中人曰當

有神人為我師有一卒曰臣可以為師乎因反走田單

乃起引還東鄉坐師事之卒曰臣欺君誠無能也田單

曰子勿言也因師之每出約束必稱神師乃宣言曰吾

唯懼燕軍之剽所得齊卒置之前行正義曰與我戰即墨

敗矣燕人聞之如其言城中人見齊諸降者盡剽皆

怒堅守唯恐見得單又縱反間曰吾懼燕人掘吾城

外冢墓僂先人可為寒心燕軍盡掘龍墓燒死人即

即墨人從城上望見皆涕泣其欲出戰怒自十倍田單

知士卒之可用乃身操版插索隱曰操音七高反插音初洽反○正義曰古之軍行常負版

也稱與士卒分功妻妾編於行伍之間盡散飲食饗士

令甲卒皆伏使老弱女子乘城遣使約降於燕燕軍皆

呼萬歲田單又收民金得千溢令即墨富豪遺燕將

曰即墨即降願無虜掠吾族家妻妾令安堵燕將大

喜許之燕軍由此益懈田單乃收城中得千餘生為絳

繒衣畫以五絲龍文束兵刃於其角而灌脂束葦於尾

燒其端鑿城數十穴夜縱牛壯士五千人隨其後牛尾

熱怒而奔燕軍燕軍夜大驚牛尾炬火光明炫燿燕軍

視之皆龍文所觸盡死傷五千人因銜枚擊之而城中

鼓譟從之老弱皆擊銅器為聲聲動天地燕軍大駭敗

走齊人遂夷殺其將騎劫燕軍擾亂奔走齊人追亡逐

北所過城邑皆畔燕而歸田單兵日益多乘勝燕日敗

亡卒至河上索隱曰齊之北界近河東蓋齊舊地也而齊七十餘城皆復為齊

乃迎襄王於莒入臨菑而聽政襄王封田單號曰安

平君索隱曰以單初起安平故以為號

太史公曰兵以正合以奇勝魏武帝曰先出合戰為正後出為奇也正者當敵奇兵擊不備

夫始如處女適人開戶徐廣曰適音敵索隱曰言兵始如處女之軟弱則敵人輕侮開戶不為備

後如脫兔適不及距魏武帝曰如女示弱脫兔往疾也索隱曰克劫之後卷甲而趨有如兔之得脫而疾走也敵不及距者若脫兔忽過而敵忘其所距也其田單之謂邪

漢曆二十四年刑

初淖齒之殺湣王也莒人求湣王子法章得之太史

嫩之家正義曰嫩音皎為人灌園嫩女憐而善遇之後法章私

以情告女女遂與通及莒人共立法章為齊王以莒

距燕而太史氏女遂為后所謂君王后也燕之初入齊

聞畫邑人王蠋賢劉熙曰畫音獲○索隱曰音胡卦反○正義曰括地志云戟里城在臨淄西北三十里春秋時棘邑又云瀋邑蠋所居即此邑因瀋水為名也令軍中曰環畫邑三十里無人以

王蠋之故已而使人謂蠋曰齊人多高子之義吾以子

為將封子萬家蠋固謝燕人曰子不聽吾引二軍而屠

畫邑王蠋曰忠臣不事二君貞女不更二夫齊王不聽

吾諫故退而耕於野國既破亡吾不能存今又劫之以

兵為君將是助桀為暴也與其生而無義固不如烹遂

經其頸於樹枝自奮絕脰而死索隱曰經猶繫也何沐云脰頸齊語也音豆齊

亡大夫聞之曰王蠋布衣也義不北面於燕况在位

食祿者乎乃相聚如莒求諸子立為襄王

索隱述贊曰

軍法以正 實尚奇兵 斷軸自免

反間先行 群鳥惑眾 五牛揚旌

卒破騎劫 皆復齊城 襄王嗣位

乃封安平

魯仲連鄒陽列傳第二十二 史記八十二

索隱曰魯連屈原當六國之時賈誼鄒陽在文景之日事跡雖復相類年代甚為乖絕其鄒陽不可上同魯連賈生亦不可下同屈原宜抽魯連同出單為傳其屈原與宋玉等為一傳其鄒陽與枚乘賈生等同傳

魯仲連者齊人也好奇偉倣儻之畫策

索隱曰廣雅云倣儻卓異也

正義曰倣天臂反魯連子六齊辯士田巴服徂台議樓下毀五帝罪三王服五伯離堅白合同異一日服千人有徐劫者其弟子曰魯仲連年十二號千里駒往請田巴曰臣聞堂上不奮郊草不芸園刃交前不救流矢急不暇避也今楚軍南陽趙伐高唐燕人十萬聊城不去國亡在曰夕先生奈之何若不能者先生之言有似梟鳴出城而人惡之願先生勿復言田巴曰謹聞命矣巴謂徐劫曰先生乃飛兔也豈直千里駒巴終身不談而不肯仕宦任職好持高節游於趙趙孝成王

時而秦王使白起破趙長平之軍前後四十餘萬秦兵遂東圍邯鄲趙王恐諸侯之救兵莫敢擊秦兵魏安

釐王使將軍晉鄙救趙畏秦止於蕩陰不進地理志河內有蕩陰

縣○正義曰蕩天郎反相州縣魏王使客將軍新垣衍間入邯鄲索隱曰新垣姓衍名

也為梁將故漢有新垣平因平原君謂趙王曰秦所為急圍趙者前

與齊滑王爭彊為帝已而復歸帝今齊滑王已益弱

方今唯秦雄天下此非必貪邯鄲其意欲復求為帝趙

誠發使尊秦昭王為帝秦必喜罷兵去平原君猶預未

有所決此時魯仲連適游趙會秦圍趙聞魏將欲令趙

尊秦為帝乃見平原君曰事將奈何平原君曰勝也何

敢言事前亡四十萬之眾於外今又內圍邯鄲而不能

去魏王使客將軍新垣衍令趙帝秦今其人在是勝也

何敢言事魯仲連曰吾始以君為天下之賢公子也吾

乃今然後知君非天下之賢公子也梁客新垣衍安在

吾請為君責而歸之平原君曰請為紹介索隱曰紹介猶媒介也且禮賓至必因介以傳辭紹者繼也介不一人故禮云介紹而傳命而見之於先生平原君遂見

新垣衍曰東國有魯仲連先生者今其人在此勝請為

紹介交之於將軍新垣衍曰吾聞魯仲連先生齊國之

高士也行人臣也使事有職吾不願見魯仲連先生平

原君曰勝既已泄之矣新垣衍許諾魯連見新垣衍而

無言新垣衍曰吾視居此圍城之中者皆有求於平原

君者也今吾觀先生之玉貌非有求於平原君者也曷

為久居此圍城之中而不去魯仲連曰世以鮑焦為無

從頌而死者皆非也鮑焦周之介士也見莊子○索隱曰從頌音從容言世人見鮑焦之死皆以為不能

自寬容而取死此言非也○正義曰韓詩外傳云姓鮑名焦周時隱者也飾行非世廉潔而守荷擔樵拾橡充食故無子胤不臣天子不友諸侯子貢遇之謂之曰吾聞非其政者不履其地汚其君者不受其利今子履其地食其利可乎鮑焦曰吾聞廉士重進而輕退賢人易愧而

輕死遂抱木立枯焉眾人不知則為一身索隱曰言眾人不識鮑焦之意焦以恥居濁世而避之非是自為一

身而彼秦者弃禮義而上首功之國也譙周曰秦早衛鞅計制爵二十等以戰獲

首級者計而受爵是以秦人每戰勝老弱婦人皆死計功賞至萬數天下謂之上首功之國皆以惡之也○索隱曰秦法斬首多為上功謂斬

一人首賜爵一級故權使其士虜使其民索隱曰言秦人以權詐使其戰士以奴虜

使其人民言無恩以恤下彼即肆然而為帝過而為政於天下索隱曰謂秦為首功之國也

惡而為政也○正義曰至過字為絕句言秦得肆則連有蹈東海志為帝恐有烹醢納筦徧行天子之禮過失也

而死耳吾不忍為之民也所為見將軍者欲以助趙也

新垣衍曰先生助之將奈何魯連曰吾將使梁及燕助

之齊楚則固助之矣新垣衍曰燕則吾請以從矣若乃

梁者則吾乃梁人也先生惡能使梁助之魯連曰梁未

睹秦稱帝之害故耳使梁睹秦稱帝之害則必助趙矣

新垣衍曰秦稱帝之害何如魯連曰昔者齊威王嘗為

仁義矣率天下諸侯而朝周周貧且微諸侯莫朝而齊

獨朝之居歲餘周烈王崩徐廣曰烈王三十七年崩威王之十年齊後往周怒

赴於齊正義曰鄭玄云赴也今文赴作計曰天崩地坼天子下席索隱曰謂烈王太子

安王驕也下席言其寢苦居廬也東藩之臣因齊後至則斮公羊傳曰斮三軍者其法

萬曆二十四年刊

斷何休曰齊威王勃然怒曰叱嗟而毋婢也正義曰罵卒

為天下笑故生則朝周死則叱之誠不忍其求也彼天

子固然其無定怪新垣衍曰先生獨不見夫僕乎十人

而從一人者寧力不勝而智不若邪畏之也索隱曰言僕夫十人而從

一人者寧是力不勝亦非智不如正是畏懼其主耳魯仲連曰嗚呼梁之比於秦若僕

邪新垣衍曰然魯仲連曰吾將使秦王烹醢梁王新垣

衍快然不悅曰噫嘻索隱曰上音依噫者不平之聲下音希嘻者驚恨之歎也亦太甚矣

先生之言也先生又惡能使秦王烹醢梁王魯仲連曰

固也吾將言之昔者九侯鄂侯徐廣曰鄂縣有九侯城九一侯城在相州滎陽文王紂之三公也九侯有子而好獻之於

紂紂以為惡醢九侯鄂侯爭之彊辯之疾故脯鄂侯文

王聞之喟然而嘆故拘之羑里之庫百日正義曰相州滎陰縣北九里有

羑里之庫百日正義曰相州滎陰縣北九里有

將之魯夷維子為執策而從索隱曰維東萊之邑其居夷也

人是也正義曰密州高密縣古夷安城應劭云謂魯人曰子將

何以待吾君魯人曰吾將以十太牢待子之君夷維

子曰子安取禮而來吾君彼吾君者天子也天子巡狩

諸侯辟舍索隱曰辟音避正寢案禮天子適諸侯必舍於祖廟納管籥攝衽抱机正義曰衽

音而甚反索隱曰机音紀視膳於堂下天子已食乃退而聽朝也魯

人投其籥不果納索隱曰謂開外門不入齊不得入於魯將

萬曆二十四年刊

之薛假途於鄒

正義曰薛侯故城在徐州滕縣界也

當是時鄒君死潛王欲

入弔夷維子謂鄒之孤曰天子弔主人必將倍殯棺

設北面於南方然後天子南面弔也

索隱曰倍音佩謂主人不在殯東將借其

殯棺立西階上北面哭是倍也天子乃於阼階上南面而弔之

鄒之群臣曰必若此吾將伏

劔而死固不敢入於鄒鄒魯之臣生則不得事養死則

不得賻送

正義曰衣服曰賻貨財曰賻

然且欲行天子之禮於鄒魯鄒魯

之臣不果納

索隱曰謂時君弱臣彊故鄒魯君生時臣並不得盡事養死亦不得行賻送之禮然齊欲行天子禮於鄒魯鄒

魯之臣皆不果納之是猶秉禮而存大體也

今秦萬乘之國也梁亦萬乘之國

也俱據萬乘之國各有稱王之名睹其一戰而勝欲從

而帝之是使三晉之大臣不如鄒魯之僕妾也且秦無

已而帝則且變易諸侯之大臣彼將奪其所不肖而與

其所賢奪其所憎而與其所愛彼又將使其子女讒妾

為諸侯妃姬處梁之宮梁王安得晏然而已乎而將軍

又何以得故寵乎於是新垣衍起再拜謝曰始以先生

為庸人吾乃今日知先生為天下之士也吾請出不敢

復言帝秦秦將聞之為却軍五十里適會魏公子無忌

奪晉鄙軍以救趙擊秦軍秦軍遂引而去於是平原君

欲封魯連魯連辭讓使者三終不肯受平原君乃置酒

酒酣起前以千金為魯連壽魯連笑曰所謂貴於天下之

士者為人排患釋難解紛亂而無取也即有取者是商

賈之事也而連不刃為也遂辭平原君而去終身不

復見其後二十餘年燕將攻下聊城索隱曰徐廣云年表田單攻聊城在長平後十

餘年耳二十餘年誤也聊城人或讒之燕燕將懼誅因保

守聊城不敢歸齊田單攻聊城歲餘士卒多死而聊

城不下魯連乃為書約之矢以射城中遺燕將書曰吾

聞之智者不倍時而棄利勇士不怯死而滅名忠臣不

先身而後君今公行一朝之忿不顧燕王之無臣非忠

也殺身亡聊城而威不信於齊非勇也功敗名滅後世

無稱焉非智也三者世主不臣說士不載故智者不再

計勇士不怯死今死生榮辱貴賤尊卑此時不再至願

公詳計而無與俗同且楚攻齊之南陽索隱曰即濟之淮

魏攻平陸索隱曰平陸邑名在西界○正義曰兗州縣也而齊無南面之心以為

亡南陽之害小不如得濟北之利大索隱曰即聊城之地也○正義曰言齊無南面

攻楚魏之心以為南陽平陸之害小不如聊城之利大言必攻之故定計審處之今秦人下兵

魏不敢東面衡秦之勢成索隱曰此時秦與齊和故云衡秦之勢成也楚國之形

危齊奔南陽斷右壤定濟北索隱曰謂弃楚所攻之泗上也又斷絕魏之所攻齊右壤之地

平陸是也言右壤斷弃而不能救志在攻聊城而定濟北也計猶且為之也且夫齊之必

決於聊城公勿再計今楚魏交退於齊而燕救不至索隱曰前時楚攻南陽魏攻平陸今二國之兵俱退而燕救又不至是勢危也

以全齊之兵無天下之規

與聊城共據期年之敝則臣見公之不能得也且燕國

大亂君臣失計上下迷惑粟腹以十萬之衆五折於外

徐廣曰此事去長平十年以萬乘之國被圍於趙壤削主困為天下

僂笑國敝而禍多民無所歸心今公又以敝聊之民

距全齊之兵是墨翟之守也正義曰如墨翟守宋却楚軍食人炊骨

士無反外之心是孫臏之兵也正義曰孫臏能撫士卒士卒無二心能見於

天下雖然為公計者不如全車申以報於燕車甲全

而歸燕燕王必喜身全而歸於國士民如見父母交游

攘臂而議於世功業可明上輔孤主以制羣臣下養百

姓以資說士索隱曰言既養百姓又資說士終擬強國也矯國更俗索隱曰欲令燕將歸燕矯

正國事改更弊俗也功名可立也亡意亦捐燕奔世東游於齊乎

索隱曰亡音無言若必無還燕意所捐燕而東游於齊乎裂地定封富比乎陶衛索隱曰重

對陶商君姓衛富比陶衛請此云耳世世稱孤與齊久存又一計也此兩計

者顯名厚實也願公詳計而審處一焉且吾聞之規小

節者不能成榮名惡小恥者不能立大功昔者管夷吾

射桓公中其鉤篡也遺公子糾不能死怯也束縛桎梏

辱也若此三行者世主不臣而鄉里不通鄉使管子幽

囚而不出身死而不反於齊則亦名不免為辱人賤行

矣臧獲且羞與之同名矣方言曰荆淮海岱燕齊之間罵奴曰臧罵婢曰獲況世俗

乎故管子不恥身在縲紲之中而恥天下之不治不恥

不死公子糾而恥威之不信於諸侯故兼三行之過而

不死公子糾而恥威之不信於諸侯故兼三行之過而

為五霸首

正義曰按齊桓最初得周襄王賜文武胙彤弓矢大輅故為五伯首

名高天下而光

燭鄰國曹子為魯將

索隱曰曹沫也

三戰三北而亡地五百里

鄉使曹子計不反顧議不還踵刎頸而死則亦名不免

為敗軍禽將矣曹子弃三北之恥而退與魯君計桓公

朝天下會諸侯曹子以一劍之任枝桓公之心於壇坫

之上

索隱曰枝猶擬也

顏色不變辭氣不悖三戰之所亡一朝

而復之天下震動諸侯驚駭威加吳越若此二士者非

不能成小廉而行小節也以為殺身亡軀絕世滅後功

名不立非智也故去忿忿之怨立終身之名棄忿憤

之節

正義曰忿數粉反憤於緣反

定累世之功是以業與三王爭流

而名與天壤相弊也願公擇一而行之燕將見魯連書

泣三日猶預不能自決欲歸燕已有隙恐誅欲降齊所

殺虜於齊甚眾恐已降而後見辱喟然嘆曰與人刃我

寧自刃乃自殺聊城亂田單遂屠聊城歸而言魯連欲

爵之魯連逃隱於海上曰吾與富貴而詘於人寧貧賤

而輕世肆志焉

鄒陽者齊人也游於梁與故吳人莊忌夫子淮陰枚生

之徒交上書

索隱曰忌會稽人姓莊氏字天子後避漢明帝諱改姓曰嚴枚生名乘字叔其子臯漢書並有傳蓋以銜

枚氏而

而介於羊勝公孫詭之間

索隱曰言鄒陽上書自達而游於二人之間或往彼或往

此介者言有隔於其間故杜預曰介猶間也

勝等嫉鄒陽惡之梁孝王孝王怒下

之吏將欲殺之鄒陽客游以讒見禽恐死而負累乃從獄中上書曰臣聞忠無不報信不見疑臣常以為然

徒虛語耳昔者荆軻慕燕丹之義白虹貫日太子畏之

應劭曰燕太子丹質於秦始皇遇之無禮丹亡去故厚養荆軻使西刺秦王精誠感天白虹為之貫日也如淳曰白虹兵象日為君烈士傳曰荆軻發後太子自相氣見虹貫日不徹曰吾事不成矣後聞軻死事不立曰吾知其然也衛先生為秦畫長平之

事太白蝕昴而昭王疑之蘇林曰白起為秦伐趙破長平軍糧乃為應侯所害事用不成其精誠上達於天故太白為之蝕昴昴趙分也將有兵故太白食昴食干歷之也如淳曰太白乃天之將軍也

夫精變天地而信不喻兩主豈不哀哉今臣盡忠竭誠

畢議願知張晏曰盡其計議願王知之也左右不明索隱曰言左右之不明不欲斥主卒從

吏訊為世所疑是使荆軻衛先生復起而抵秦不悟也

願大王孰察之昔卞和獻寶楚王刑之應劭曰卞和得玉璞獻之楚武王武王示

玉人玉人曰石也卞和足武王沒復獻文連玉人復曰石也卞和李斯

竭忠胡亥極刑是以箕子佯狂索隱曰佯音陽謂詐為狂接

輿辟世張晏曰楚賢人佯狂辟世也○索隱曰恐遭此患也願

大王孰察卞和季斯之意而後楚王胡亥之聽索隱曰

王胡亥之聽為謬故後之而不用後猶下也無使臣為箕子接輿所笑臣聞比干

于剖心子胥鴟夷索隱曰韋昭云以皮作鴟鳥形名曰鴟夷鴟夷皮櫛也服虔云用馬革作囊以裹尸格之于江

臣始不信乃今知之願大王孰察少加憐焉諺曰有白

頭如新傾蓋如故何則知與不知也故昔樊於期逃秦

之燕藉荆軻首以奉丹之事索隱曰藉音子夜反韋昭云謂於期逃秦之燕以頭與軻使持

萬曆二十四年刊

索隱曰藉音子夜反韋昭云謂於期逃秦之燕以頭與軻使持

索隱曰藉音子夜反韋昭云謂於期逃秦之燕以頭與軻使持

索隱曰藉音子夜反韋昭云謂於期逃秦之燕以頭與軻使持

索隱曰藉音子夜反韋昭云謂於期逃秦之燕以頭與軻使持

索隱曰藉音子夜反韋昭云謂於期逃秦之燕以頭與軻使持

入秦以示信也王奢去齊之魏臨城自剄以却齊而存魏漢書音義曰王

奢齊人也亡至魏其後齊伐魏奢登城謂齊將曰今君之來不過以奢之故也夫義不苟生以為魏累遂自剄也夫王奢樊

於期非新於齊秦而故於燕魏也所以去二國死兩君

者行合於志而慕義無窮也是以蘇秦不信於天下而

為燕尾生索隱曰服虔云蘇秦於秦不出其信於燕則出尾生之信韋昭云尾生守信而死者案言蘇秦於燕獨守信如

尾生故云為燕之尾生也白圭戰亡六城為魏取中山張晏曰白圭為中山將亡六城君欲殺之

亡入魏文侯厚何則誠有以相知也蘇秦相燕燕人惡之

於王王按劍而怒食以馱馱漢書音義曰馱馱駿馬也生七日而超其母敬重蘇秦雖有讒謗而

更膳以珍奇之珠正義曰食音寺馱馱音決蹄北狄良馬也白圭顯於中山中山人惡之魏

文侯文侯授之以夜光之璧何則兩臣剖心析肝

相信豈移於浮辭哉故女無美惡入官見妬士無賢

不肖入朝見嫉昔者司馬喜躡脚於宋丞相中山晉灼曰司

馬喜二相中山蘇林曰六國時人被此刑也范雎摺脅折齒於魏卒為應侯索隱曰應

侯傳作折脅摺齒是也說文云拉推也音力荅反此二人者皆信必然之畫捐芻黨

之私挾孤獨之位故不能自免於嫉妬之人也是以申

徒狄自沈於河漢書音義曰殷之末世人○索隱曰莊子申徒狄諫而不用負石自投於河韋昭云六國時人漢書

云自沈於雍河服虔云雍州之河也又新序作抱甕自沈於河不同也徐衍負石入海列士傳曰周

不容於世義不苟取比周於朝以移主上之心故百里

奚乞食於路繆公委之以政甯戚飯牛車下而桓公任

之以國應劭曰齊桓公夜出迎客而甯戚疾擊其牛角商歌曰南山

矸白石爛生不遭堯與舜禪短布單衣適至矸從昏飯牛薄

夜半長夜曼曼何時旦公
召與語說之以為大夫
此二人者豈借宦於朝假譽於左

右然後二主用之哉感於心合於行親於膠漆昆弟不

能離豈惑於衆口哉故偏聽生姦獨任成亂昔者魯聽

季孫之說而逐孔子
索隱曰論語齊人歸女樂季桓子受之三日不朝孔子行也宋聽子罕

之計而囚墨翟
索隱曰左氏司城子罕姓樂名喜乃宋之賢臣也漢書作子冉不知子冉是何人文穎曰子冉子罕

也荀卿傳云墨翟孔子時人或云在孔子後又襄二十九年左傳宋饑子罕請出粟時孔子適八歲則墨翟與子罕不得相輩或以子冉為是

不知何人也夫以孔墨之辯不能自免於讒譖而二國以危何

則衆口鑠金
索隱曰國語云衆心成城衆口鑠金賈逵云鑠消也衆口所惡雖金亦為之消亡積毀銷骨

也
索隱曰大顏云讒人積久誹毀則父兄自相誅戮骨肉為之消滅也是以秦用戎人由余而霸

中國齊用越人蒙而彊威宣
索隱曰越人蒙未見所出漢書作子臧又張晏云子臧或是越人蒙

此二國豈拘於俗牽於世繫阿偏之譏哉公聽並

觀垂名當世
索隱曰小顏云公聽言不私並觀謂所見同也故意曰胡越為昆

弟由余越人蒙是矣不合則骨肉出遂朱象管蔡是

矣今人主誠能用齊秦之義後宋魯之聽則五伯不

足稱二王易為也是以聖王覺寤捐子之心
徐廣曰燕王讓

而能不說於田常之賢
應劭曰田常事齊簡公簡公說之而殺簡公使人君去此

封比干之後修孕婦之墓
應劭曰紂剗姪者觀其胎產也○索隱曰案封

比干之後後謂子也不見其文尚書作封比干之墓又唯
云剗剔孕婦則武王雖反商政亦未必修孕婦之墓也故功業復

就於天下何則欲善無厭也夫晉文公親其讎彊霸

諸侯齊桓公用其仇而一匡天下
謂晉寺人勃鞞齊管仲也何則慈仁

慙慙誠加於心不可以虛辭借也至夫秦用商鞅之

法東弱韓魏兵彊天下而卒車裂之越用大夫種之謀

禽勁吳霸中國而卒誅其身是以孫叔敖三去相而

不悔於陵子仲辭三公為人灌園列士傳曰楚於陵子仲楚王欲以為相而不許為人

灌園今人主誠能去驕傲之心懷可報之意披心腹見情

素墮肝膽施德厚終與之窮達無愛於士則桀之狗可

使吠堯韋昭曰言恩厚無不使也而蹠之客可使刺由應劭曰由許由蹠盜蹠也况因

萬乘之權假聖王之資乎然則荆軻之湛七族要離

之燒妻子應劭曰荆軻為燕刺秦始皇不成而死其族坐之湛沒吳王闔閭欲殺王子慶忌要離詐以罪亡令吳王燔其妻子

豈足道哉臣聞明月之珠夜

光之璧以闇投人於道路人無不投劍相眄者何則無

因而至前也蟠木根柢輪囷離詭張晏曰根柢下本也輪困離詭委曲繁吳也而

為萬乘器者何則以左右先為之容也索隱曰左右先加彫刻是為之

容飾也故無因至前雖出隨侯之珠夜光之璧猶結怨而

不見德故有人先談則以枯木朽株樹功而不忘今夫

天下布衣窮居之士身在貧賤雖包堯舜之術挾伊

管之辯懷龍逢比干之意欲盡忠當世之君而素無

根柢之容雖竭精思欲開忠信輔人主之治則人主必

有按劍相眄之跡是使布衣不得為枯木朽株之資

也是以聖王制世御俗獨化於陶鈞之上索隱曰張晏云陶冶鈞範也作

萬曆二十四年刊

器下所轉者名鈞韋昭曰陶燒瓦之竈鈞木長七尺有絃所以而不

牽於卑亂之語不奪於衆多之口故秦皇帝任中庶

子蒙嘉之言以信荆軻之說而匕首竊發索隱曰通俗文云其頭類

匕故曰匕首短而便用也周文王獵涇渭載呂尚而歸以王天下故秦

信左右而殺周用鳥集而王索隱曰韋昭云呂尚適周如鳥之集也何則以

其能越孿拘之語馳域外之議獨觀於昭曠之道也

今人主沈於諂諛之辭牽於帷裳之制漢書音義曰言為左右便辟侍帷裳

使不羈之士與牛驥同皁索隱曰言駿足不可羈絆以比喻逸才之人應劭云皁歷

不留富貴之樂也如淳曰莊子云鮑焦飾行非世抱木而死○索隱曰晉灼云列士傳鮑焦怨世不用已採蔬於

道子貢難曰非其世而採其蔬此焦之有哉弃其蔬乃立臣聞盛飾

入朝者不以利汙義砥厲名號者不以欲傷行故縣

名勝毋而曾子不入索隱曰淮南子及鹽鐵論云里名勝毋曾子不入蓋名不順也尸子以為孔子至勝毋縣

邑號朝歌而墨子迴車晉灼曰朝歌者不時也○正義曰朝歌今衛州縣也

今欲使天下寡廓之士攝於威重之權主於位勢之

貴故回面汗行以事諂諛之人索隱曰杜預云回邪也而求親近於左

右則士伏死堀穴巖巖之中耳安肯有盡忠信而趨闕

下者哉書奏梁孝王孝王使人出之卒為上客

太史公曰魯連其指意雖不合大義然余多其在布衣

之位蕩然肆志不詘於諸侯談說於當世折卿相之權

萬曆二十四年刑

鄒陽辭雖不遜然其比物連類有足悲者亦可謂抗直不撓矣吾是以附之列傳焉

索隱述贊曰

魯連達士

高才遠致

釋難解紛

辭祿肆志

齊將挫辯

燕軍沮氣

鄒子遇讒

見詆獄吏

慷慨獻說

時王所器

魯仲連鄒陽列傳第二十三

史記八十三

屈原賈生列傳第二十四

史記八十四

屈原者名平楚之同姓也

正義曰屈原景昭皆楚之族王逸曰楚王始都郢是生子瑕受屈為卿因以為

為楚懷王左徒

正義曰蓋今在左右拾遺之類

博聞彊志明於治亂嫺

於辭令

嫺音開

入則與王圖議國事以出號令出則接遇賓

客應對諸侯王甚任之上官大夫與之同列爭寵而心

害其能懷王使屈原造為憲令屈原屬草藁

索隱曰屬音燭草藁

謂創制憲令之本漢書作草具崔浩謂發始造端也

未定上官大夫見而欲奪之

正義曰王逸云

上官

靳尚屈平不與因讒之曰王使屈平為令眾莫不知每

一令出平伐其功曰以為非我莫能為也王怒而疏

屈平屈平疾王聽之不聰也讒諂之蔽明也邪曲之害

萬曆二十四年刊

屈平列傳第二十四

一

公也方正之不容也故憂愁幽思而作離騷應劭曰離遭也騷憂也又

離騷序云離別也騷愁也離騷者猶離憂也夫天者人之始也父母者

人之本也人窮則反本故勞苦倦極未嘗不呼天也疾

痛慘怛未嘗不呼父母也屈平正道直行竭忠盡智以

事其君讒人間之可謂窮矣信而見疑忠而被謗能無

怨乎屈平之作離騷蓋自怨生也國風好色而不淫小

雅怨誹而不亂若離騷者可謂兼之矣上稱帝嚳下道

齊桓中述湯武以刺世事明道德之廣崇治亂之條

貫靡不畢見其文約其辭微其志潔其行廉其稱文

小而其指極大舉類邇而見義遠其志潔故其稱物

芳其行廉故死而不容自踈濯淖汙泥之中索隱曰淖音濁淖音開汙音

音烏故反泥音奴計反蟬蛻於濁穢正義曰蛻音稅去皮也又他臥反以浮游塵埃之

外不獲世之滋垢皜然泥而不滓者也徐廣曰皜音靜之貌○索隱曰皜音

自若反泥音涅淖音淄又並如字推此志也雖與日月爭光可也屈平既

細其後秦欲伐齊齊與楚從親惠王患之乃令張儀

佯去秦厚幣委質事楚曰秦甚憎齊齊與楚從親楚

誠能絕齊秦願獻商於之地六百里楚懷王貪而信張

儀遂絕齊使使如秦受地張儀詐之曰儀與王約六里

不聞六百里楚使怒去歸告懷王懷王怒大興師伐秦

秦發兵擊之大破楚師於丹浙斬首八萬索隱曰丹浙水名也謂於丹

萬曆二十四年刊

水之北浙水之南皆為縣名
在弘農所謂丹陽浙是也

虜楚將屈匄

索隱曰屈姓
句名音蓋

遂取楚

之漢中地

徐廣曰楚懷王十六年張儀來相十七年秦敗屈匄

懷王乃悉發國中兵以

深入擊秦戰於藍田魏聞之襲楚至鄧

索隱曰鄧在漢水北故鄧侯城

楚兵懼自秦歸而齊竟怒不救楚楚大困明年秦割

漢中地與楚以和楚王曰不願得地願得張儀而甘心

焉張儀聞乃曰以一儀而當漢中地臣請往如楚如

楚又因厚幣用事者臣靳尚而設詭辭於懷王之寵姬

鄭袖懷王竟聽鄭袖復釋去張儀是時屈平既疏不復

在位使於齊顧反諫懷王曰何不殺張儀懷王悔追張

儀不及其後諸侯共擊楚大破之殺其將唐昧

徐廣曰二十八

年敗唐昧也○正義曰昧莫葛反

時秦昭王與楚婚欲與懷王會懷王欲

行屈平曰秦虎狼之國不可信不如無行懷王稚子

子蘭勸王行奈何絕秦歡懷王卒行入武關秦伏兵絕

其後因留懷王

徐廣曰三

以求割地懷王怒不聽亡走趙

趙不內復之秦竟死於秦而歸葬長子頃襄王立

索隱曰名

以其弟子蘭為令尹楚人既咎子蘭以勸懷王入秦

而不反也屈平既嫉之雖放流睠顧楚國繫心懷王不

忘欲反冀幸君之一悟俗之一改也其存君興國而欲

反覆之一篇之中三致志焉然終無可奈何故不可以

反卒以此見懷王之終不悟也人君無智愚昧不肖莫

不欲求忠以自為舉賢以自佐然亡國破家相隨屬而
聖君治國累世而不見者其所謂忠者不忠而所謂賢
者不賢也懷王以不知忠臣之分故內惑於鄭袖外欺
於張儀疏屈平而信上官大夫令尹子蘭兵挫地削亡
其六郡身客死於秦為天下笑此不知人之禍也易曰
井泄不食向秀曰泄者浚治去泥濁也○索隱曰向秀字子期晉人注周易為我心惻張璠曰可憐為惻然傷
道未行也○索隱曰可以汲王明並受其福易象曰求王王
之不明豈足福哉徐廣曰一云不足福○正義曰言楚王令尹
子蘭聞之大怒卒使上官大夫短屈原於頃襄王頃襄
王怒而遷之屈原至於江濱被髮行吟澤畔顏色憔悴

形容枯槁漁父見而問之曰子非三閭大夫歟離騷序曰三閭

之職掌王族三姓曰昭屈景原何故而至此屈原曰舉世混濁

而我獨清眾人皆醉而我獨醒是以見放漁父曰夫聖

人者不凝滯於物而能與世推移舉世混濁何不隨其

流而揚其波眾人皆醉何不餽其糟而啜其醢何故懷

瑾握瑜而自令見放為屈原曰吾聞之新沐者必彈冠

新浴者必振衣人又誰能以身之察察王逸曰受物之

汶汶者乎王逸曰蒙垢蔽○索隱曰汶汶音門門猶昏暗不明也寧赴常流而葬乎江

魚腹中耳索隱曰常流猶長流也又安能以皓皓之白而蒙世之溫

變乎索隱曰變音烏廓反溫變猶昏憤楚詞作蒙世之塵埃哉乃作懷沙之賦索隱曰楚詞九懷曰懷沙

四年刊

其辭曰陶陶孟夏兮草木莽莽王逸曰陶陶盛陽貌莽莽盛茂貌○

傷懷永哀兮汨徂南土王逸曰汨行貌○索隱曰方言曰汨謂疾

行眇兮窈窕徐廣曰眇眇也○索隱曰眇音瞬窈音烏鳥反孔靜幽墨正義曰孔甚也

南山高澤深視之眇野甚清淨歎無人聲冤結紆軫兮離愍之長鞠王逸曰鞠窮紆

也撫情効志兮俛誦以自抑王逸曰抑方木欲以為園兮常度未替

子所鄙正義曰本常也鄙恥也言人遭世不章晝職學兮前度

未改王逸曰章明也度法也言工明於所書念其紀也倫前人之法

內直質重兮大人所盛王逸曰直行人質性敦厚心

巧匠不斷兮執察其揆王逸曰直行人質性敦厚心文幽處兮矇謂之

不章王逸曰玄黑也離婁微睇兮瞽以為無明王逸曰離

凰在箴兮雞雉翔舞徐廣曰箴一作郊駟案王逸曰箴籠落也

同糝玉石兮一槃而相量王逸曰忠夫黨人

之鄙妬兮羌不知吾所臧王逸曰莫昭我之善意○索隱曰按

任重載盛兮陷滯而不濟王逸曰言已才力盛壯可

懷瑾握瑜兮窮不得余所示王逸曰邑犬群吠

兮吠所怪也索隱曰尹文子云于文質疎內兮衆不知吾之異采徐廣曰異

材樸委積兮莫知余之所有王逸曰重仁襲義兮謹

案王逸曰

是庸人之態也


今乃誹俊疑桀固

是庸人之態也

案王逸曰

是庸人之態也

今乃誹俊疑桀固



厚以為豐

王逸曰重累也襲及也

重華不可悟兮孰知余之從容

王逸曰悟逢也○索隱曰楚辭悟作遇並吾故反

古固有不並兮豈知其故也

索隱曰楚詞作

莫知其何故

湯禹久遠兮邈不可慕也懲違改忿兮抑心而

自彊離潛而不遷兮願志之有象

王逸曰象法也

進路北次

兮正義曰北次將就

日昧昧其將暮兮憂虞哀兮限之以大故

曰娛樂也大故謂死亡也○索隱曰楚辭含憂虞哀作舒憂娛哀娛音虞娛者樂也

亂曰

索隱曰王師叔云亂者理也所以發理辭

指總撮其要而重理前意也

浩浩沅湘兮

正義曰說文云沅水出牂牁東北流入江湘水出零陵縣海山北至入江

按二水皆經岳州而入大江也

分流汨兮

王逸曰汨流也

脩路幽拂兮

索隱曰楚詞作幽蔽也

道遠忽兮曾唼恒悲兮永歎慨兮世既莫吾知兮人心

不可謂兮

王逸曰謂猶說也○索隱曰楚詞無曾唼已下二十一字

懷情抱質兮獨無匹

兮伯樂既歿兮驥將焉程兮

王逸曰程量也

人生有命兮各有

所錯兮

王逸曰錯安也

定心廣志余何畏懼兮

索隱曰楚詞余並作予

曾傷爰

哀永嘆喟兮

王逸曰喟息也

世溷不吾知兮不可謂兮知死不可讓

兮願勿愛兮明以告君子兮吾將以為類兮

王逸曰類法也○正義曰按類

例也以爲忠臣不事亂君之例

於是懷石遂自投汨羅以死

應劭曰汨水在羅故曰汨羅也○索隱曰

地理志長沙有羅縣羅子之所徙荆州記羅縣北帶汨水音覓○正義曰故羅縣城在岳州湘陰縣東北六十里春秋時羅子國秦置長沙郡

而爲縣也按縣北有汨水及屈原廟

屈原既死之後楚有宋玉唐勒景差之徒

者徐廣曰差或作慶索隱曰揚子法言及漢書古今人表皆是景差今作差是字省耳以徐裝鄒三家皆無音是如字讀也

皆好

辭而以賦見稱然皆祖屈原之從容辭令終莫敢直諫其後

楚日以削數十年竟爲秦所滅自屈原沈汨羅後百有餘

年漢有賈生爲長沙王太傅過湘水投書以弔屈原

賈生名誼雒陽人也年十八以能誦詩屬書聞於郡中

吳廷尉爲河南守聞其秀才召置門下甚幸愛孝文皇

帝初立聞河南守吳公索隱曰吳姓史失名故稱公治平爲天下第一

故與李斯同邑而常學事焉乃徵爲廷尉廷尉乃言

賈生年少頗通諸子百家之書文帝召以爲博士是時

賈生年二十餘最爲少每詔令議下諸老先生不能言

賈生盡爲之對人人各如其意所欲出諸生於是乃以

爲能不及也孝文帝說之超遷一歲中至太中大夫賈

生以爲漢興至孝文二十餘年天下和洽而固當改正

朔易服色法制度定官名興禮樂乃悉草具其事儀法

色尚黃數用五正義曰漢文帝時黃龍見成紀故改爲土也爲官名悉更秦之

法孝文帝初卽位謙讓未遑也諸律令所更定及列侯

悉就國其說皆自賈生發之於是天子議以爲賈生任

公卿之位絳灌東陽侯馮敬之屬盡害之正義曰絳灌周勃灌嬰也東陽

侯張相如馮敬時爲御史大夫乃短賈生曰雒陽之人年少初學專欲擅

權紛亂諸事於是天子後亦疏之不用其議乃以賈生

爲長沙王太傅索隱曰誼爲傳是吳芮之玄孫差襲長沙王之時也非景帝之子長沙王發也荆州記長沙城西北

隅有賈誼祠及誼坐石牀在賈生既辭往行聞長沙卑溼自以壽不得

長又以適去徐廣曰適竹革反韋昭曰謫譴也意不自得及

度湘水為賦以弔屈原其辭曰共承嘉惠兮張晏曰共敬也俟

罪長沙側聞屈原兮自沈汨羅造託湘流兮敬弔先生

索隱曰造音七到反遭世罔極兮乃隕厥身嗚呼哀哉逢時不祥

鸞鳳伏竄兮鳴臯翱翔索隱曰竄音七外反關茸尊顯兮讒諛得

志志索隱曰關音天臯反茸音而隴反字林云關茸不肖之人也賢聖逆曳兮方正倒植索隱曰胡廣云逆曳不得順而行也倒植賢不肖顛倒而易位也

世謂伯夷貪兮謂盜跖廉索隱曰吳越春秋隨夷涵兮跖躑廉一句皆兼兩人莫邪為頓兮索隱曰吳王使干將造劍二枚一曰干將一曰莫邪

鉛刀為銛徐廣曰思廉反駟索漢書音義曰銛謂利○索隱曰鉛者錫也銛利也音

干嗟嗟嗟兮生之無故應劭曰嗟嗟不自得意墳曰生謂屈原也

幹葉周鼎兮而寶康瓠如淳曰幹轉也爾雅曰康瓠謂之甌大瓠也應劭曰康容也幹音莞莞轉也康空也

騰駕罷牛兮驂蹇驢正義曰罷疲同音皮

驥垂兩耳兮服鹽車索隱曰戰國策曰夫驥服鹽車上太山中坂遷延負轅不能上伯樂下車哭之也

章甫薦屨兮應劭曰章甫殷冠也漸不可久劉向別錄曰因嗟嗟先

生兮獨離此咎訊曰李奇曰訊告也張晏曰訊離騷下竟亂辭也○索隱曰訊音信劉伯莊音素對反訊

猶宣也重宣其意周成解詰音碎也已矣國其莫我知獨堙鬱兮索隱曰漢書作壹鬱亦通

其誰語鳳漂漂其高逝兮索隱曰夫固自縮而遠去

襲九淵之神龍兮鄧展曰襲重也或曰襲覆也猶言察也○索隱

曰莊子曰千金之珠必在九重之淵而騷龍額

下故云九淵之神龍也涉深潛以自珍徐廣曰涉潛藏也彌融爚徐廣曰一云

以隱處兮徐廣曰一本云彌

義曰顧野王云彌遠也融明也爚光也○索隱曰索徐所注蓋二本總不同也蘇林云個音面應劭云個背也

索隱曰索徐所注蓋二本總不同也蘇林云個音面應劭云個背也

獺水蟲害魚者以言背惡從善也郭璞注爾雅云似鳧江東謂之魚鵠

萬曆二十四年刊

屈原集卷之三

夫豈從螳與蛭蟻

漢書螳字作蝦韋昭曰蝦蝦蟻也蛭水蟲蟻

絕於螻蟻况從蝦與蟻蛭也蛭音質蟻音蚘○索隱曰螳音蟻漢書作蝦言個然正義曰言寧投水合神龍豈陸葬從蟻與蛭蟻

所貴聖人之神德

兮遠濁世而自藏使騏驎可得係羈兮豈云異夫犬

羊般紛紛其離此尤兮

蘇林曰般音盤孟康曰般音班或曰盤桓不去紛紛構譏意也○索隱曰尤謂

怨咎也亦夫子之辜也

索隱曰漢書辜作故夫子謂屈原也李奇曰亦夫子不如麟鳳翔逝之故罹此咎也

九州而相君兮

索隱曰麟音且知反謂歷觀也漢書作歷九州

何必懷此都也鳳皇

翔于千仞之上兮覽德輝而下之

索隱曰言鳳皇翔見人君有德乃下故禮曰德輝動

是也見細德之險微兮搖增翮

徐廣曰一云遙增擊也

逝而去之

動也增加也言見細德之人又有險難微起則合加動羽翮遠逝而去之

彼尋常之汙瀆兮

應劭曰八尺曰

尋倍尋曰常○索隱曰汙瀆也瀆小渠也

豈能容吞舟之魚橫江湖之鱣鱠兮

如淳曰大魚也鱣曰鱣魚無鱗曰近腹下

固將制於螻蟻

索隱曰莊子云庚桑楚謂弟子曰吞舟之魚蕩而失水則

螻蟻能苦之戰國策齊人說靖郭君亦同奈以喻小國暗土不容忠臣而為讒賊小臣之所見害也

賈生為長沙王

太傅

正義曰漢文帝年表云吳芮之玄孫差襲長沙王也傅為長沙靖王差之二年也括地志云吳芮故城在潭州長沙縣東南三百里賈誼宅在縣南三十步湘水記云誼宅中有一井誼所穿極小而深上斂下大其狀如壺傍有一局脚石床容一人坐形流古制相承云

誼所

三年有鴉飛入賈生舍止於坐隅楚人命鴉曰服

晉灼曰異物志有上鴉體有文色土俗因形名之曰服不能遠飛行不出域○索隱曰鄧展云似鴉而大荆州記云巫縣有鳥如雌雞其雄曰鴉楚人謂之服吳錄云服黑色也鳴自呼其名

賈生既以適居長沙長沙卑溼自

以為壽不得長傷悼之乃為賦以自廣其辭曰單闕

之歲兮

徐廣曰歲在卯曰單闕文帝六年歲在丁卯

四月子孟夏庚子日施兮服集

予舍

徐廣曰施一作斜○索隱曰施音天移反猶西斜也漢書作斜

止于坐隅貌甚閑暇異

萬曆二十四年刊

萬曆二十四年刊

七

物來集兮私怪其故發書占之兮策言其度索隱曰漢書作識說

文云識驗言也此作策蓋識策之辭曰野鳥入處兮主人將去○正義曰發策數之書占其度驗

請問于服兮予去何之索隱曰于於也漢書作予服小顏云予加美之辭吉乎告我

凶言其當淹數之度兮語予其期徐廣曰數速也服乃歎息舉

首奮翼口不能言請對以臆萬物變化兮固無休息幹

流而遷兮或推而還索隱曰幹音鳥活反幹轉也形氣轉續兮化變而

嬾服虔曰嬾音如嬾反變蛻也或曰嬾蔓相連也○索隱曰韋昭昭云而如也如蟬之蛻化也蘇林云嬾音嬾謂其相傳之也勿

穆無窮兮胡可勝言索隱曰漢書無窮作無間勿音密又音昧勿穆深微貌以言其理深微不可盡言也

○正義禍兮福所倚福兮禍所伏憂喜聚門兮吉凶同

域彼吳疆大兮夫差呂敗越棲會稽兮句踐霸世斯

游遂成兮卒被五刑韋昭曰斯李斯也傳說胥靡兮徐廣曰胥靡也○索隱曰

晉灼云胥相也靡隨也古者相隨坐輕刑之名墨乃相武丁夫禍

之與福兮何異糾纏應劭曰禍福相為表裡如紅繩索相糾會也贊曰糾絞也纏索也○索隱曰韋昭

云纏微也又通俗文云合繩曰糾字林云纏三合繩也音纏糾音九命不可說兮孰知其極水激

則旱兮矢激則遠索隱曰此淮南子及鵬冠子文也彼作水激則旱而呂氏春秋作疾以言水激則去疾不能浸

潤矢激疾則去遠也說文云旱與悍同音言水矢流飛本以無礙為通利今遇有物觸之則激怒更勁疾而遠悍猶人或因禍致福倚伏而無

常也萬物回薄兮振蕩相轉雲蒸雨降兮錯繆相紛大專

繁物兮漢書專字作鈞如淳曰陶者作器於鈞上此以造化為大鈞○索隱曰漢書曰大鈞播物此專讀曰鈞繁猶轉也與播義

同虞喜志林云太鈞造化之神鈞陶萬物品授羣形者也塊軋無垠應劭曰其義塊軋非有限齊也○索隱曰案無垠謂

無有齊畔也說文云垠圻也郭璞注方言云塊軋者不利也王天不

逸注楚詞云塊軋霧氣昧也○正義曰塊於郎反軋於黠反

可與慮兮

索隱曰與音預

道不可與謀遲數有命兮惡識其時

且夫天地為爐兮造化為工陰陽為炭兮萬物為銅

曰既以陶冶喻造化故以陰陽為炭萬物為銅也

合散消息兮安有常則

索隱曰莊子云人之生也

氣之聚也聚則為生散則為死

千變萬化兮未始有極

索隱曰莊子云人者忽

然為人兮何足控搏

如淳曰控引也控搏玩弄變生之意也

化為異物兮又

何足患小知自私兮賤彼貴我通人大觀兮物無不可

貪夫徇財兮烈士徇名夸者死權兮

索隱曰言好夸毗者死於權利是言貪勢

以自矜夸者至死不休也

品庶馮生

孟康曰馮貪也正義曰馮音憑

怵迫之徒兮或趨西

東

孟康曰怵為利所誘怵也迫迫貧賤東西趨利也○索隱曰漢書亦有作私東應劭曰仕諸侯為私時大二居長安諸王悉在關東

小人怵然內迫私家樂仕諸侯故云怵迫私東也

大人不曲兮億變齊同拘士繫俗

兮擱如囚拘

徐廣曰擱音華板反又音眩索隱曰說文云擱大木柵也漢書作箠音去隕反

至人遺物

兮獨與道俱眾人或或兮好惡積意

李奇曰或或東西也所好所惡積之萬億

也贊曰言眾懷抱好惡積之於心意

真人恬漠兮獨與道息釋知遺形兮超

然自喪

索隱曰遺形者形故可使如槁木也自喪者心若死灰也莊周曰今者吾喪我汝知之乎

寥廓忽荒

兮與道翱翔乘流則逝兮得坻則止

徐廣曰坻一作坎駟案張晏曰坻水中小洲也

○索隱曰漢書坻作坎周易坎九二有險言君子見險則止

縱軀委命兮不私與已其生若

浮兮其死若休澹乎若深淵之靜汜兮若不繫之舟不

以生故自寶兮養空而游

索隱曰鄧展云自寶自貴也養空而游言體道之人但養空性而心若浮

也德人無累兮知命不憂細故憇蒯兮何足以疑

音士介反○索隱曰蒯音介漢書作介張揖云帶介鯁刺也

後歲餘

以言細微事不足憇介我心故於此云何足以疑之者也

萬曆二十四年刊

且原百頁三可專二

一

賈生徵見孝文帝方受釐

徐廣曰祭祀福祚也駟案如淳曰漢唯祭天地五時皇帝不自行祠還致

福釐音僖坐宣室

蘇林曰未央前正室○索隱曰三輔故事二云宣室在未央殿北應劭云釐祭餘肉也

上因感鬼

神事而問鬼神之本賈生因具道所以然之狀至夜半文

帝前席既罷曰吾久不見賈生自以為過之今不及也

居頃之拜賈生為梁懷王太傅

索隱曰梁懷王名揖文帝子

梁懷王文

帝之少子愛而好書故令賈生傳之文帝復封淮南厲

王子四人皆為列侯賈生諫以為患之興自此起矣賈

生數上疏言諸侯或連數郡非古之制可稍削之文帝

不聽居數年懷王騎墮馬而死

徐廣曰文帝十一年

無後賈生自

傷為傅無狀哭泣歲餘亦死賈生之死時年三十三矣

及孝文崩孝武皇帝立舉賈生之孫二人至郡守而

賈嘉最好學世其家與余通書至孝昭時列為九卿

太史公曰余讀離騷天問招魂哀郢悲其志適長沙觀

屈原所自沈淵

索隱曰荆州記云長沙羅縣北帶汨水去縣四十里是原自沈處北畔有廟也

未嘗不

垂涕想見其為人及見賈生弔之又怪屈原以彼其

材游諸侯何國不容而自令若是讀服鳥賦同死生輕

去就又爽然自失矣

徐廣曰爽一本作爽

索隱述贊曰

屈平行正

以事懷主

瑾瑜比潔

日月爭光

忠而見放

讒者益章

賦騷見志 懷沙自傷 百年之後

空悲弔湘

屈原賈生列傳第二十四 史記八十四

呂不韋列傳第二十五 史記八十五

呂不韋者陽翟大賈人也索隱曰翟音狄俗又音宅地理志縣名屬潁川賈音古○正義曰陽

翟今河南府也往來販賤賣貴家累千金秦昭王四十年太子

死其四十二年以其次子安國君為太子索隱曰名柱後立是為孝文王

也安國君有子二十餘人安國君有所甚愛姬立以

為正夫人號曰華陽夫人華陽夫人無子安國君中

男名子楚索隱曰即莊襄王也戰國策曰本名異人後從趙還不韋使以楚服見王后悅之曰吾楚人也而子字之乃變

其名曰子楚母曰夏姬母愛子楚為秦質子於趙索隱曰質

致舊音秦數攻趙趙不甚禮子楚子楚秦諸庶孽孫索隱曰非嫡正質於諸侯車乘進用不饒索隱曰下文又云以五百金為進用宜依小顏

之子曰孽質於諸侯車乘進用不饒

萬曆二十四年刊 史記卷八十五

讀為賈音才刃反進者財也古字假借之也居處困不得意呂不韋賈邯鄲見

而憐之曰此奇貨可居以子楚方財貨也○正義曰戰國策云

謂其父曰耕田之利幾倍曰十倍珠玉之贏幾倍曰百倍主立定國之

贏幾倍曰無數不韋曰今力田疾作不得煖衣飽食今定國立君澤可

遺後世願往事之秦子異人質於趙處於聊城故往說之乃說秦王后

弟楊泉君曰君之罪至死君知之乎君門下無不居高官尊位太子門

下無貴者而駿馬盈外廐美女充後庭王之春秋高矣一日山陵太子

用事君危於累卵而不壽於軒生今有計可以便君富千萬寧於秦也

必無危亡之患矣楊泉曰請聞其說不韋曰王年高矣王后無子子後

有承國之業士倉又輔之王一日山陵太子後立士倉用事王后之門必

生蓬蒿子楚異人賢材也棄在於趙無母引領西望欲一得歸王后誠

請而立之是異人無國有國王后無子有子楊泉曰諾入說王后乃為

請於趙而歸之乃往見子楚說曰吾能大子之門子楚笑曰且

自大君之門而乃大吾門呂不韋曰子不知也吾聞待

子門而大子楚心知所謂乃引與坐深語呂不韋曰秦

王老矣安國君得為太子竊聞安國君愛幸華陽夫

人華陽夫人無子能立適嗣者正義曰獨華陽夫人耳今

子兄弟二十餘人子又居中不甚見幸父質諸侯即大

王薨安國君立為王則子無幾得與長子及諸子旦暮

在前者爭為太子矣索隱曰幾音冀幾望也戰國策曰子後承

子異人之異母兄弟也子楚曰然為之柰何呂不韋曰子貧客於此

非有以奉獻於親及結賓客也不韋雖貧請以千金

為子西游事安國君及華陽夫人立子為適嗣子楚乃

頓首曰必如君策請得分秦國與君共之呂不韋乃以

五百金與子楚為進用結賓客而復以五百金賈奇物

玩好自奉而西游秦求見華陽夫人姊而皆以其物獻

華陽夫人因言子楚賢智結諸侯賓客徧天下常曰楚

也以夫人為天日夜泣思太子及夫人夫人大喜不韋

因使其姊說夫人索隱曰戰國策作說曰吾聞之以色事

人者色衰而愛弛今夫人事太子甚愛而無子不以

此時蚤自結於諸子中賢孝者舉立以為適而子之

索隱曰以此為一句子謂養之為子也然欲分立以為適作上句而子之夫在則尊重作下句意亦通夫在則重尊

夫百歲之後所子者為王終不失勢此所謂一言而萬

世之利也不以繁華時樹本即色衰愛弛後雖欲開一

言尚可得乎今子楚賢而自知中男也次不得為適

其母又不得幸自附夫人夫人誠以此時拔以為適夫

人則竟世有寵於秦矣華陽夫人以為然承太子間從

容言子楚質於趙者絕賢來往者皆稱譽之乃因涕泣

曰妾幸得充後宮不幸無子願得子楚立以為適嗣以

託妾身安國君許之乃與夫人刻玉符約以為適嗣安

國君及夫人因厚餽遺子楚而請呂不韋傳之子楚以

此名譽益盛於諸侯呂不韋取邯鄲諸姬絕好善舞者

與居知有身子楚從不韋飲見而說之因起為壽請之

呂不韋怒念業已破家為子楚欲以釣奇索隱曰釣者取魚喻也奇即

上云此奇貨可居也乃遂獻其姬姬自匿有身至大期時徐廣曰期

萬曆二十四年刊呂不韋列傳二十五

○索隱曰譙周云人十月生此過二月故云大期生子政子楚遂

立姬為夫人秦昭王五十年使王齕圍邯鄲急趙欲殺

子楚子楚與呂不韋謀行金六百斤予守者吏得脫亡

赴秦軍遂以得歸趙欲殺子楚妻子子楚夫人趙豪家

女也得匿以故毋子竟得活秦昭王五十六年薨太子

安國君立為王華陽夫人為王后子楚為太子趙亦奉

子楚夫人及子政歸秦秦王立一年薨謚為孝文王太

子子楚代立是為莊襄王莊襄王所養母華陽后為華

陽太后真母夏姬尊以為夏太后莊襄王元年以呂不

韋為丞相封為文信侯索隱曰下文尊為相國案百官表云皆秦官金印紫綬掌承天子助理萬機秦

左右高帝署一後又更名相國哀帝時更名大司徒食河南洛陽十萬戶索隱曰戰國

縣而秦本紀莊襄王元年初置三川郡地理志高祖更名河南此秦代而曰河南者史記後作據漢郡而言之耳莊襄王即

位三年薨太子政立為王徐廣曰時年十三尊呂不韋為相國

號稱仲父正義曰仲中也次父也蓋效齊桓公以管仲為仲父秦王年少太后時時

竊私通呂不韋不韋家僮萬人當是時魏有信陵君楚

有春申君趙有平原君齊有孟嘗君皆下士喜賓客以

相傾呂不韋以秦之疆土不如亦招致士厚遇之至食

客三千人是時諸侯多辯士如荀卿之徒著書布天下

呂不韋乃使其客人人著所聞集論以為八覽六論十

二紀二十餘萬言索隱曰八覽者有始孝行慎大先識審分審應離俗時君也六論者開春慎行實道不苟燮順

萬曆三十四年刊

士容也十二紀者記十二月也其書以為備天地萬物古今之

事號曰呂氏春秋布咸陽市門索隱曰地理志右扶風渭城縣故咸陽而帝更名新城武

帝更名懸千金其上延諸侯游士賓客有能增損一字

者予千金始皇帝益壯太后淫不止呂不韋恐覺禍

及已乃私求大陰人嫪毐以為告人時縱倡樂使毒以

其陰關桐輪而行正義曰以桐木為小車輪今太后聞之以啗太后太

后聞果欲私得之呂不韋乃進嫪毐詐令人以腐罪告

之正義曰上音輔謂官刑皆靡也不韋又陰謂太后曰可事詐腐則得給

事中太后乃陰厚賜主腐者吏詐論之拔其鬚眉為

宦者遂得侍太后太后私與通絕愛之有身太后恐人

知之詐上當避時徙宮居雍正義曰雍故城在岐雍縣南七里右秦都大鄭宮嫪

毐常從賞賜甚厚事皆決於嫪毐嫪毐家僮數千人

諸客求宦為嫪毐舍人千餘人始皇七年莊襄王母夏

太后薨孝文王后曰華陽太后與孝文王會葬壽陵正義曰秦孝文王陵在雍州萬年縣東北二十五里夏太后子莊襄王葬芷陽索隱曰芷音止地理志云故夏太

后獨別葬杜東正義曰夏太后陵在萬年縣東南二十五里曰東望吾子西望吾

夫後百年勿富有萬家邑索隱曰宣帝元康元年起杜陵漢舊儀武昭宣三陵皆三萬戶計去此一

百六十餘年也始皇九年有告嫪毐實非宦者常與太后私亂

生子二人皆匿之與太后謀曰王即薨以子為後說苑曰

毒與侍

可左右貴臣博飲酒醉爭言而鬪頭目大叱曰吾乃皇帝於是秦王

假父也變人子何敢乃與我克所與鬪者走行白始皇

下吏治具得情實事連相國呂不韋九月夷嫪毐三族

殺太后所生兩子而遂遷太后於雍索隱曰說苑云遷太后咸陽官地理志雍縣有

咸陽宮秦昭王所起也諸嫪毐舍人皆沒其家而遷之蜀王欲誅相

國為其奉先王功大及賓客辯士為游說者眾王不忍

致法秦王十年十月免相國呂不韋及齊人茅焦說秦

王秦王乃迎太后於雍歸復咸陽徐廣曰入南宮而出文信侯

就國河南歲餘諸侯賓客使者相望於道請文信侯秦

王恐其為變乃賜文信侯書曰君何功於秦秦封君河

南食十萬戶君何親於秦號稱仲父其與家屬徙處蜀

呂不韋自度稍侵恐誅乃飲酖而死徐廣曰十二年嗣案皇覽曰不韋冢在河南洛陽北邙道西大冢是也民傳言呂毋冢不韋妻先葬故其冢名曰呂毋也秦王所加怒呂不韋嫪毐

皆已死乃皆復歸嫪毐舍人遷蜀者始皇十九年太后

薨諡為帝太后索隱曰王劭云秦不用諡法此蓋號耳其義亦當然也始皇稱皇帝之後故其母號為帝太后豈謂

誅列生時之行乎與莊襄王會葬芷陽徐廣曰一作芷陽

太史公曰不韋及嫪毐貴封號文信侯索隱曰文信侯不韋封也嫪毐封長

信侯上文已言不韋封此替中言嫪毐得寵貴由不韋耳合作長信侯人之告嫪毐毒聞之秦王

驗左右未發上之雍郊毒恐禍起乃與黨謀矯太后

璽發卒以反斬年官正義曰斬年官在岐州城西故城內發吏攻毒毒敗亡

走追斬之好時遂滅其宗索隱曰地理志扶風有好時縣而呂不韋由

而呂不韋由

此紕矣孔子之所謂聞者其臣子乎

論語曰夫聞也者色取仁而行違居之不

疑在邦必聞
在家必聞

索隱述贊曰

不韋釣奇

委質子楚

華陽立嗣

邯鄲獻女

及封河南

乃號仲父

徙蜀懲諷

懸金作語

籌策既成

富貴斯取

呂不韋列傳第二十五

史記八十五

刺客列傳第二十六

史記八十六

曹沫者魯人也

索隱曰沫音亡葛反左氏穀梁並作曹劇然則沫宜音劇沫劇聲相近而字異耳

以勇

力事魯莊公莊公好力曹沫為魯將與齊戰三敗北

魯莊公懼乃獻遂邑之地以和

索隱曰左傳齊人滅遂杜預云遂國在濟北蛇丘縣東北也

猶復以為將齊桓公許與魯會于柯而盟

索隱曰杜預云齊北東阿齊之

柯邑猶祝柯今為祝阿也

桓公與莊公既盟於壇上曹沫執匕首劫齊

桓公

索隱曰七音比劉氏云短劍也鹽鐵論以為長尺八寸其頭類七故云七首也

桓公左右莫敢動

而問曰子將何欲曹沫曰齊疆魯弱而大國侵魯亦

以其矣今魯城壞即壓齊境君其圖之桓公乃許盡歸

魯之侵地既已言曹沫投其匕首下壇北面就羣臣之

位顏色不變辭令如故相公怒欲倍其約索隱曰倍音佩管仲曰不可夫貪小利以自快棄信於諸侯失天下之援不如與之於是相公乃遂割魯侵地曹沫三戰所亡地盡復予魯其後百六十七年而吳有專諸之事

專諸者吳堂邑人也索隱曰專字亦作專音同左傳作鱒設諸地理志臨淮有堂邑縣也伍子

胥之亡楚而如吳也知專諸之能伍子胥既見吳王僚

說以伐楚之利吳公子光曰彼伍員父兄皆死於楚而

負言伐楚欲自為報私讎也非能為吳吳王乃止伍子

胥知公子光之欲殺吳王僚乃曰彼光將有內志未可

說以外事索隱曰言其將有內難弑君之志且對外事生入吳世家作知光有他志也乃進專諸於

公子光光之父曰吳王諸樊諸樊弟二人次曰餘祭索隱曰餘祭

曰祭者側界反次曰夷昧索隱曰昧音亡葛反公羊作餘未次曰季子札諸樊知季

子札賢而不立太子以次傳三弟欲卒致國於季子札

諸樊既死傳餘祭餘祭死傳夷昧夷昧死當傳季子札

季子札逃不肯立吳人乃立夷昧之子僚為王公子光

曰使以兄弟次邪季子當立必以子乎則光真適嗣當

立故嘗陰養謀臣以求立光既得專諸善安待之九年

而楚平王死索隱曰春秋昭二十六年楚子居卒是也吳世家云十二年此云九年並誤據表及左傳合在僚之十一年也

春吳王僚欲因楚喪使其二弟公子蓋餘屬庸將兵

圍楚之潛索隱曰屬音燭二子僚之弟也左傳作掩餘屬庸掩蓋義同屬燭字相亂耳事在魯昭二十七年地理志廬江

萬曆二十四年刊

有蒼縣天柱山在南杜預左傳注云蒼楚邑在廬江六縣西南使延陵季子於晉以觀諸侯

之變楚發兵絕吳將蓋餘屬庸路吳兵不得還於是

公子光謂專諸曰此時不可失不求何獲且光真王嗣

當立季子雖來不吾廢也專諸曰王僚可殺也毋老子

弱而兩弟將兵伐楚楚絕其後方今吳外困於楚而內

空無骨鯁之臣是無如我何索隱曰左傳直云王可殺也毋老子弱是無若我何則是專諸

諸度僚可殺言其少援助故云無奈我何太史公採其意且據上文因復加以兩弟將兵外困之辭而服虔杜預見左氏下文云我爾身也以

其子為卿遂強解是無如我何猶言我無若是謂專諸欲以老弱託光義非允愜王肅之說亦依史記也公子光頓首

曰光之身子之身也四月丙子光伏甲士於窟室中

而具酒請王僚徐廣曰窟一作空○索隱曰僚之十二年夏也吳

羊穀梁無其文此與吳系家皆稱丙子當有所據不知出何書左傳云伏甲士於窟室杜預謂掘地為室也所以下文云出其伏甲以攻王

王僚使兵陳自宮至光之家門戶階陛左右皆王僚之

親戚也夾立侍皆持長鉞音披○索隱曰兵器也劉酒既酣

公子光詳為足疾入窟室中索隱曰使專諸置匕首魚

炙之腹中而進之徐廣曰炙一作炮○正義炙者夜反既至王前專諸擘魚

因以匕首刺王僚索隱曰刺王僚立死左右亦殺專諸王

人擾亂公子光出其伏甲以攻王僚之徒盡滅之遂自

立為王是為闔閭闔閭乃封專諸之子以為上卿其後

七十餘年而晉有豫讓之事徐廣曰闔閭元年至三晉滅

豫讓者晉人也索隱曰案此傳所故嘗事范中行氏而無

說皆約戰國策文

萬曆二十四年刊

別名刊專二上

三

所知名

索隱曰案左傳范氏謂昭子吉射也自士會食邑於范因為范氏中行氏中行文子荀寅也自荀林父將中行後因以官

為去而事智伯

索隱曰案智伯襄子荀瑤也襄子林父弟荀首之後范中行智伯事具趙系家 智伯

其尊寵之及智伯伐趙襄子趙襄子與韓魏合謀滅智伯

滅智伯之後而三分其地趙襄子最怨智伯

索隱曰謂初以酒灌

後又率韓魏水灌晉陽城不沒者三板故怨漆也

漆其頭以為飲器

索隱曰按大宛傳曰匈奴破月支王以其

頭為飲器裴氏注彼引韋昭云飲器桺榼也晉灼曰飲器虎子也皆非桺榼所以盛酒耳非用飲者晉氏以為褻器者以韓子呂氏春秋並云

襄子漆智伯頭為溲杯故也

豫讓遁逃山中曰嗟乎士為知己者死女

為悅己者容今智伯知我我必為報讎而死以報智伯

則吾魂魄不愧矣乃變名姓為刑人入宮塗廁中挾匕

首欲以刺襄子襄子如廁心動執問塗廁之刑人則豫

讓內持刀兵曰欲為智伯報仇左右欲誅之襄子曰彼

義人也吾謹避之耳且智伯亡無後而其臣欲為報仇

此天下之賢人也卒釋去之

索隱曰卒音足律反

居頃之豫讓又漆

身為厲

音賴○索隱曰賴惡瘡病也凡漆有毒近之多患瘡腫若賴病然故豫讓以漆塗身令其若賴耳

吞炭為

亞索隱曰亞音烏雅反謂瘡病戰國策云漆身為厲滅鬚去眉以變其容為乞食人其妻曰狀貌不似吾夫何其言之甚相類也讓遂吞炭

以變其音也

使形狀不可知行乞於市其妻不識也行見其

友其友識之曰汝非豫讓邪曰我是也其友為泣曰以

子之才委質而臣事襄子襄子必近幸子近幸子乃為

所欲顧不易邪

索隱曰欲謂因得殺襄子顧反也邪不定之辭反不易邪言其易也

何乃殘身苦

形欲以求報襄子不亦難乎豫讓曰既已委質臣事人

而求殺之是懷二心以事其君者也且吾所為者極難

耳索隱曰劉氏云謂今為屬也然所以為此者將以愧天下後世之為人

臣懷二心以事其君者也索隱曰言寧為厲而自刑不可求事襄子而行殺則恐傷人臣之義而近賊非

也既去頃之襄子當出豫讓伏於所當過之橋下正義曰汾

橋下架水在并州晉陽縣東一里襄子至橋馬驚襄子曰此必是豫讓也

使人問之果豫讓也於是襄子乃數豫讓曰子不嘗事

范中行氏乎智伯盡滅之而子不為報讎而反委質臣於

智伯智伯亦已死矣而子獨何以為之報讎之深也豫

讓曰臣事范中行氏范中行氏皆眾人遇我我故眾人

報之至於智伯國士遇我我故國士報之襄子喟然嘆

息而泣曰嗟乎豫子子之為智伯名既成矣而寡人於

子亦已足矣子其自為計寡人不復釋子使兵圍之豫

讓曰臣聞明主不掩人之美而忠臣有死名之義前君

已寬赦臣天下莫不稱君之賢今日之事臣固伏誅然

願請君之衣而擊之焉以致報讎之意則雖死不恨非

所敢望也敢布腹心於是襄子大義之乃使使持衣與

豫讓豫讓拔劍三躍而擊之索隱曰戰國策云衣盡出血襄子迴車車輪未周而亡此不言衣出

血者太史公恐涉怪妄故略之耳曰吾可以下報智伯矣遂伏劍自殺死

之日趙國志士聞之皆為涕泣其後四十餘年而軹有

聶政之事自二晉滅智伯三殺俠累五十七年



聶政者軹深井里人也

索隱曰地理志河內有軹縣深井軹縣之里名也○正義曰在懷州濟源縣南

三十 殺人避仇與母姊如齊以屠為事久之濮陽嚴仲

子事韓哀侯

索隱曰高誘曰嚴遂字仲子案表聶政殺俠累在列侯三年列侯生文侯文侯生哀侯凡更三代哀侯六

年為韓嚴所殺今言仲子事哀侯恐非其實且太史公聞疑傳疑聞信傳信事難的據欲使兩存故表傳各異也

與韓相俠

累有卻

索隱曰俠音古挾反累音力追反案戰國策俠累名傀也傀於朝嚴遂拔劍趨之以

嚴仲子恐誅亡去游求人可以報俠

累者至齊齊人或言聶政勇敢士也避仇隱於屠者之

間嚴仲子至門請數反然後具酒自暢

徐廣曰一作賜○索隱曰案戰國策

正義曰數色更反聶政母前酒酣嚴仲子奉黃金百鎰前

為聶政母壽聶政驚怪其厚固謝嚴仲子嚴仲子固

進而聶政謝曰臣幸有老母家貧客游以為狗屠可以

旦夕得甘毳

此芮反○索隱曰鄒氏音脆二義相通也

以養親親供養備不敢當

仲子之賜嚴仲子辟人因為聶政言曰臣有仇而行游

諸侯眾矣然至齊竊聞足下義甚高故進百金者將用

為夫人屬糶之費

正義曰糶猶糶米也脫粟也韋昭云古者名男子為丈夫尊大嫗為夫人漢書宣元王傳

王過夫人益諱為夫人乞骸去按夫人憲王外

得以交足下之驪

豈敢以有求望邪聶政曰臣所以降志辱身居市井屠者

徒幸以養老母老母在政身未敢以許人也嚴仲子固

讓聶政竟不肯受也然嚴仲子卒備賓主之禮而去久

之聶政母死既已葬除服聶政曰嗟乎政乃市井之人

正義曰古者相聚汲水有物便責因成市故云市井鼓刀以屠而嚴仲子乃諸侯之卿

相也不遠千里枉車騎而交臣臣之所以待之至淺鮮

矣未有大功可以稱者而嚴仲子奉百金為親壽我雖

不受然是者徒深知政也夫賢者以感忿睚眦之意而

親信窮僻之人而政獨安得嘿然而已乎且前日要政

政徒以老母老母今以天年終政將為知己者用乃遂

西至濮陽見嚴仲子曰前日所以不許仲子者徒以親

在今不幸而毋以天年終仲子所欲報仇者為誰請得

從事焉嚴仲子具告曰臣之仇韓相俠累俠累又韓君

之季父也宗族盛多居處兵衛甚設臣欲使人刺之

眾終莫能就今足下幸而不棄請益其車騎壯士可為

足下輔翼者聶政曰韓之與衛相去中間不甚遠索隱曰高

誘曰韓都潁川陽翟衛都東郡濮陽故曰相去不甚遠也今殺人之相相又國君之親此

其勢不可以多人多人不能無生得失索隱曰戰國策作無

生異情故語泄也此云生得言將人多往殺俠累後有被生禽而事泄亦兩俱通也生得失則語泄語泄

是韓舉國而與仲子為讎徐廣曰一作難豈不殆哉遂謝車

騎人徒聶政乃辭獨行杖劍至韓韓相俠累方坐府

上持兵戟而衛侍者甚眾聶政直入上階刺殺俠累左

右大亂聶政大呼所擊殺者數十人因自皮面決眼索隱

曰皮面謂以刀刺其面皮欲令人不識決眼謂出其眼睛戰國策作抉眼此決亦通音烏穴反自屠出腸遂以

死韓取聶政屍暴於市

正義曰暴蒲酷反

購問莫知誰子於是韓

購縣之有能言殺相俠累者予千金久之莫知也政

姊榮

一作嫫○索隱曰榮其姊名也

聞有人刺殺韓相者賊不得國不知

其名姓暴其屍而縣之千金乃於邑曰

索隱曰劉氏云煩寃愁苦也

其

是吾弟與嗟乎嚴仲子知吾弟立起如韓之市而死

者果政也伏屍哭極哀曰是軼深井里所謂聶政者也

市行者諸眾人皆曰此人暴虐吾國相王縣購其名姓

千金夫人不聞與何敢來識之也榮應之曰聞之然政

所以蒙汚辱自棄於市販之間者為老母幸無恙

索隱曰爾

雅云恙憂也風俗通云恙病也凡人相見及通書皆云無恙又易傳云上古之時草居露宿恙齧虫也善食人心俗悉患之故相勞云無恙恙

非病也妾未嫁也親既以天年下世妾已嫁夫嚴仲子乃

察舉吾弟困汚之中而交之澤厚矣可奈何士固為知

已者死今乃以妾尚在之故重自刑以絕從

徐廣曰恐其姊從坐而死

○索隱曰重音持用反重猶復也為人報讎死乃自以妾故復自刑其身令人不識也從音蹤古字少假借故無足旁而徐氏以為從坐非也

劉氏亦音足松反

妾其奈何畏歿身之誅終滅賢弟之名大驚韓

市人乃大呼天者三卒於邑悲哀而死政之旁晉楚齊

衛聞之皆曰非獨政能也乃其姊亦烈女也鄉使政誠

知其姊無濡忍之志不重暴骸之難

索隱曰濡潤也人性美濕潤則能含忍故云

濡忍若勇躁則必輕死重難並如字重猶惜也言不惜暴骸之為難也

必絕險千里以列其名姊

弟俱僂於韓市者亦未必敢以身許嚴仲子也嚴仲子

亦可謂知人能得士矣其後二百二十餘年秦有荆軻

之事徐廣曰聶政至荆軻百七十年爾○索隱曰徐氏據六國年表而言則謂此傳率略而言二百餘年亦當時為不能細也○正義曰按年表從始皇二十三年至韓景侯三百七十年若至哀侯六年六百四十三年

荆軻者衛人也索隱曰此傳雖約戰國策而亦別記異聞其先乃齊人徙於衛

衛人謂之慶卿索隱曰軻先齊人齊有慶氏則或本姓慶春秋慶封其後改姓賀此亦至衛而改姓慶爾荆慶聲相近故隨在國而異其號也卿者時人尊重之號猶如相尊美而稱子然也而之燕燕人謂之荆卿荆

卿好讀書擊劍以術說衛元君衛元君不用其後秦伐

衛置東郡徙衛元君之支屬於野王正義曰懷州河內縣荆軻嘗游

過榆次正義并州縣也與蓋聶論劍索隱曰蓋古曠反蓋姓聶名蓋聶怒而目

之荆軻出入或望言復召荆卿蓋聶曰曩者吾與論劍

有不稱者吾目之試往是宜去不敢留使使往之主人

荆卿則已駕而去榆次矣使者還報蓋聶曰固也吾曩

者目攝之索隱曰攝猶整也謂不稱已意因怒視以攝整之也荆軻游於邯鄲魯句踐

與荆軻博爭道索隱曰魯姓句踐名也與越王同或有意義俗本踐作踐非也魯句踐怒而

叱之荆軻嘿而逃去遂不復會荆軻既至燕愛燕之狗

屠及善擊筑者高漸離索隱曰筑似琴有絃用竹擊之取以為名漸音如字正義音子廉反荆

軻嗜酒日與狗屠及高漸離飲於燕市酒酣以往高漸

離擊筑荆軻和而歌於市中相樂也已而相泣旁若無

人者荆軻雖游於酒人乎徐廣曰飲酒之人然其為人沈深好書

其所游諸侯盡與其賢豪長者相結其之燕燕之處士

田光先生亦善待之知其非庸人也居頃之會燕太子丹質秦亡歸燕燕太子丹者故嘗質於趙而秦王政生於趙其少時與丹驩及政立為秦王而丹質於秦秦王之遇燕太子丹不善故丹怨而亡歸歸而求為報秦王者國小力不能其後秦日出兵山東以伐齊楚三晉稍蠶食諸侯且至於燕燕君臣皆恐禍之至太子丹患之問其傅鞠武索隱曰鞠音趨又如字人姓名也武對曰秦地徧天下威脅韓魏趙氏北有甘泉谷口之固南有涇渭之沃擅巴漢之饒右隴蜀之山左關穀之險民衆而士厲兵革有餘意有所出則長城之南易水之北未有所定也奈何以

見陵之怨欲批其逆鱗哉

批音白結反○索隱曰批謂觸擊之

丹曰然則何

由對曰請入圖之居有間秦將樊於期得罪於秦王亡

之燕太子受而舍之鞠武諫曰不可夫以秦王之暴而

積怒於燕足為寒心

索隱曰凡入寒甚則心戰恐懼亦戰今以懼譬寒言可為心戰

又況聞

樊將軍之所在乎是謂委肉當餓虎之蹊也禍必不振

矣

索隱也振救也

雖有管晏不能為之謀也願太子疾遣樊將軍

入匈奴以滅口請西約三晉南連齊楚北購於單于

索隱

曰戰國策購作講講和也今讀購與為燕媯同媯合也漢史媯講兩字常雜今言欲北與匈奴連和也陳軫傳亦曰西購於秦也

其

後廼可圖也太子曰太傅之計曠日彌久心惛然

正義曰惛音昏

恐不能須臾且非獨於此也夫樊將軍窮困於天下歸

身於丹丹終不以迫於彊秦而棄所哀憐之交置之匈奴是固丹命卒之時也願太傅更慮之鞠武曰夫行危欲求安造禍而求福計淺而怨深連結一人之後交不顧國家之大害此謂資怨而助禍矣夫以鴻毛燎於爐炭之上必無事矣且以鷓鴣之秦行怨暴之怒豈是道哉燕有田光先生其為人智深而勇沉可與謀太子曰願因太傅而得交於田先生可乎鞠武曰敬諾出見田先生道太子願圖國事於先生也田光曰敬奉教乃造焉太子逢迎却行爲導跪而蔽席徐廣曰蔽一作撥一作揀索隱曰蔽音疋結反蔽猶拂也田光坐定左右無人太子避席而請曰燕秦不兩立願

先生留意也田光曰臣聞騏驥盛壯之時一日而馳千里至其衰老駑馬先之今太子聞光盛壯之時不知臣精已消亡矣雖然光不敢以圖國事所善荆卿可使也

正義曰燕太子云田光答曰竊觀太子容無可用者夏扶血勇之人怒而面赤宋意脉勇之人怒而面青武陽骨勇之人怒而面白光所知荆軻神勇之人怒而色不變太子曰願因先生得結交於荆卿可乎田光

曰敬諾即起趨出太子送至門戒曰丹所報先生所言者國之大事也願先生勿泄也田光俛而笑曰諾復行見荆卿曰光與子相善燕國莫不知今太子聞光壯盛之時不知吾形已不逮也幸而教之曰燕秦不兩立願先生留意也光竊不自外言足下於太子也願足下過

太子於宮荆軻曰謹奉教田光曰吾聞之長者為行不
使人疑之今太子告光曰所言者國之大事也願先生
勿泄是太子疑光也夫為行而使人疑之非節俠也欲
自殺以激荆卿曰願足下急過太子言光已死明不言
也因遂自刎而死荆軻遂見太子言田光已死致光之
言太子再拜而跪膝行流涕有頃而後言曰丹所以誠
田先生毋言者欲以成大事之謀也今田先生以死明
不言豈丹之心哉荆軻坐定太子避席頓首曰田先生
不知丹之不肖使得至前敢有所道此天之所以哀燕
而不棄其孤也

索隱曰案無父稱孤時燕王尚在而丹稱孤者或記者失辭或諸侯嫡子時亦僭稱孤也又劉向云

丹燕王意之太子今秦有貪利之心而欲不可足也非盡天下之

地臣海內之王者其意不厭今秦已虜韓王盡納其地
又舉兵南伐楚北臨趙王翦將數十萬之眾距漳鄴而
李信出太原雲中趙不能支秦必入臣入臣則禍至燕
燕小弱數困於兵今計舉國不足以當秦諸侯服秦莫
敢合從丹之私計愚以為誠得天下之勇士使於秦闕
以重利索隱曰闕視也秦王貪索隱曰絕句其勢必得所願矣
誠得劫秦王使悉反諸侯侵地若曹沫之與齊桓公則
大善矣則不可因而刺殺之彼秦大將擅兵於外而內
有亂則君臣相疑以其間諸侯得合從其破秦必矣此

丹之上願而不知所委命唯荆卿留意焉久之荆卿曰
此國之大事也臣驚下恐不足任使太子前頓首固請
毋讓然後許諾於是尊荆卿為上卿舍太子日造
門下供太牢具異物閒進車騎美女恣荆卿所欲以順
適其意索隱曰燕太子曰軻與太子遊東宮池軻拾瓦投龜太子捧
金丸進之又共乘千里馬軻曰馬肝美即殺馬進肝太子與
樊將軍置酒於華陽臺出美人能鼓琴軻曰好
手也斷以玉盤盛之軻曰太子遇軻甚厚是也久之荆卿未有行
意秦將王翦破趙虜王盡收入其地進兵北略地至燕
南界太子丹恐懼乃請荆軻曰秦兵日暮度易水則雖
欲長待足下豈可得哉荆軻曰微太子言臣願謁之今
行而無信則秦未可親也天樊將軍秦王購之金千斤

邑萬家誠得樊將軍首與燕督亢之地圖

徐廣曰方城縣有督亢亭○秦

隱曰地理志廣陽國有薊縣司馬彪郡國志曰薊縣方城有督亢亭徐氏說是也

奉獻秦王秦王必說

見臣臣乃得有以報太子曰樊將軍窮困來歸丹丹不
忍以已之私而傷長者之意願足下更慮之荆軻知太
子不忍乃遂私見樊於期曰秦之遇將軍可謂深矣父
母宗族皆為戮沒今聞購將軍首金千斤邑萬家將柰
何於期仰天太息流涕曰於期每念之常痛於骨髓顧
計不知所出耳荆軻曰今有一言可以解燕國之患報
將軍之仇者何如於期乃前曰為之柰何荆軻曰願得
將軍之首以獻秦王秦王必喜而見臣臣左手把其袖

右手搵其脅

徐廣曰搵音張鳩切○索隱曰搵謂以劒刺其脅也

然則將軍之仇報而

燕見陵之愧除矣將軍豈有意乎樊於期偏袒搢腕而

進

徐廣曰搢一作推○索隱曰搢音烏革反腕音烏亂反
字書作搢掌後曰腕勇者奮厲必先以左手扼右腕也

曰此臣之

日夜切齒腐心也

索隱曰切齒齒相磨切也爾雅曰治骨曰切腐
音輔腐亦爛也猶今人事不可忍云腐爛然皆

奮怒之意乃今得聞教遂自剄太子聞之馳往伏屍而哭極

哀既已不可奈何乃遂盛樊於期首函封之於是太子

豫求天下之利匕首得趙人徐夫人匕首

徐廣曰徐一作陳○索隱曰徐

姓夫人名謂男子也

取之百金使工以藥焯之

索隱曰焯染也音忽潰反

以試人血

濡縷人無不立死者

言以匕首試人人血出足
以沾濡絲縷人便死也

乃裝為遺荆

卿燕國有勇士秦舞陽年十二殺人不敢忤視

者逆也音五故反不敢逆視言人畏之甚也

乃令秦舞陽為副荆軻有所待欲

與俱其人居遠未來而為治行頃之未發太子遲之疑

其改悔乃復請曰日已盡矣荆卿豈有意哉丹請得先

遣秦舞陽荆軻怒叱太子曰何太子之遣往而不反者

豎子也且提一匕首入不測之彊秦僕所以留者待吾

客與俱今太子遲之請辭決矣遂發太子及賓客知其

正義曰易水在

事者皆白衣冠以送之上既祖取道

正義曰

幽州歸義縣界

高漸離擊筑荆軻和而歌為變徵之聲

正義曰徵知雅

賊士皆垂淚涕泣又前而歌曰風蕭蕭兮易水寒壯

士一去兮不復還復為羽聲愴慨士皆瞋目髮盡上指

冠於是荆軻就車而去終已不顧遂至秦持千金之資幣物厚遺秦王寵臣中庶子蒙嘉嘉為先言於秦王曰燕王誠振怖大王之威不敢舉兵以逆軍吏願舉國為內臣比諸侯之列給貢職如郡縣而得奉守先王之宗廟恐懼不敢自陳謹斬樊於期之頭及獻燕督亢之地圖函封燕王拜送于庭使使以聞大王唯大王命之秦王聞之大喜乃朝服設九賓

賓義見燕使者咸陽宮 正義曰三輔黃圖云秦始兼天下都咸陽因北陵營宮殿則紫宮象帝宮渭水

賈都以象天漢橋南度以去龜牛也荆軻奉樊於期頭函而秦舞陽奉地圖

匣以次進 索隱曰匣音戶甲反匣亦函也至陲秦舞陽色變振恐羣臣怪

之荆軻顧笑舞陽前謝曰北蕃蠻夷之鄙人未嘗見

天子故振懼願大王少假借之使得畢使於前秦王謂

軻曰取舞陽所持地圖軻既取圖奏之秦王發圖圖窮

而匕首見因左手把秦王之袖而右手執匕首搃之未

至身秦王驚自引而起袖絕拔劍劍長操其室 索隱曰室謂鞘也

正義曰燕太子云左手搃其背秦王曰今日之事從子計耳乞聽琴而死召姬人鼓琴琴聲曰羅縠單衣可裂而絕八尺屏風可超而越鹿盧

之劍可負而拔王於是奮袖超屏風走之時惶急劍堅故不可立拔荆軻逐秦王

秦王環柱而走群臣皆愕卒起不意盡失其度而秦法

群臣侍殿上者不得持尺寸之兵諸郎中執兵皆陳殿

下 索隱曰諸郎中若今宿衛之官非有詔召不得上方急時不及召下兵以

萬曆二十四年刊

故荆軻乃逐秦王而卒惶急無以擊軻而以手共搏之

是時侍醫夏無且索隱曰且音即余反以其所奉藥囊提荆軻也

正義曰提姪帝反秦王方環柱走卒惶急不知所為左右乃曰

王負劔索隱曰王劔曰古者帶劔上長拔之不出室負劔遂拔

以擊荆軻斷其左股荆軻廢乃引其匕首以擗秦王索隱曰

曰擗與擗同古不中中銅柱正義曰燕太子云荆軻拔匕首擗秦王決耳入銅柱火出秦王

復擊軻軻被八創軻自知事不就倚柱而笑箕踞以罵

曰事所以不成者以欲生劫之必得約契以報太子也

漢鹽鐵論曰荆軻懷數年之謀而事不就者尺八匕首不足恃也秦王操於不意列斷首者介七尺之利也於是左右既

前殺軻秦王不怡者良久已而論功賞群臣及當坐者

各有差而賜夏無且黃金二百鎰曰無且愛我且以藥

囊提荆軻也於是秦王大怒益發兵詣趙詔王翦軍以

伐燕十月而拔薊城燕王喜太子丹等盡率其精兵

東保於遼東秦將李信追擊燕王急代王嘉乃遣燕

王喜書曰秦所以尤追燕急者以太子丹故也今王誠

殺丹獻之秦王秦王必解而社稷幸得血食其後李信

追丹丹匿衍水中索隱曰水名在遼東燕王乃使使斬太子丹欲獻

之秦秦復進兵攻之後五年秦卒滅燕虜燕王喜其明

年秦并天下立號為皇帝於是秦逐太子丹荆軻之客

皆亡高漸離變名姓為人庸保匿作於宋子徐廣曰縣名也今屬鉅鹿

萬曆二十四年刊

○索隱曰樂布傳曰賈庸於齊為酒家人漢書作酒家保案謂庸作於酒家言可保信故曰庸保賜冠子曰伊尹酒保也徐注云宋子縣名屬鉅鹿者據地理志而知也○正義曰久之作苦聞其家堂上客宋子故城在提州平賴縣北三十里

擊筑傍徨不能去每出言曰彼有善有不善從者以告其主曰彼庸乃知音竊言是非家丈人名使前擊筑

索隱曰劉氏云謂主人翁也一坐稱善賜酒而高漸離念久隱哀約無

窮時索隱曰約謂貧賤約既為庸保常畏人故云畏約乃退出其裝匣中筑與其

善衣更容貌而前舉坐客皆驚下與抗禮以為上客

使擊筑而歌客無不流涕而去者宋子傳客之徐廣曰互以為

客聞於秦始皇秦始皇見人有識者乃曰高漸離也

秦皇帝惜其善擊筑重赦之乃矐其目矐音海各反○索隱曰一音用說者

云以馬屎令失明使擊筑未嘗不稱善稍益近之高漸離乃以

鉛置筑中索隱曰案劉氏云以鉛為槌著筑中今重以擊人復進得近舉筑扑秦

皇帝索隱曰扑音普上反扑擊也不中於是遂誅高漸離終身不復近

諸侯之人魯句踐已聞荆軻之刺秦王私曰嗟乎惜哉

其不講於刺劍之術也甚矣吾不知人也曩者吾叱之

彼乃以我為非人也

太史公曰世言荆軻其稱太子丹之命天雨粟馬生角

也索隱曰燕丹求歸秦王曰烏頭白馬生角乃許耳丹乃仰天歎烏頭即白馬亦生角風俗通及論衡皆有此說仍云殿門木鳥生肉是也

太過又言荆軻傷秦王皆非也始公孫季功董生與夏

無且游具知其事為余道之如是自曹沫至荆軻五人

此其義或成或不成然其立意較然索隱曰較明也不欺其志
名垂後世豈妄也哉

索隱述贊曰

曹沫盟柯 返魯侵地 專諸進炙

定吳篡位 彰弟哭市 報主塗廁

刎頸申冤 操袖行事 暴秦奪魄

懦夫增氣

刺客列傳第二十六 史記八十六

李斯列傳第二十七 史記八十七

李斯者楚上蔡人也索隱曰地理志汝南有上蔡縣云古蔡國周武王弟叔度所封至十八代平侯徙新蔡皆

屬汝南後二代至昭侯徙上蔡屬沛六國時為楚地曰楚上蔡年少時為郡小吏索隱曰郡一作鄉劉氏云草鄉

內文見吏舍廁中鼠食不潔近人犬數驚恐之斯入倉觀

倉中鼠食積粟居大廡之下不見人犬之憂於是李斯

乃歎曰人之賢不肖譬如鼠矣在所自處耳乃從荀卿

學帝王之術學已成度楚王不足事而六國皆弱無可

為建功者欲西入秦辭於荀卿曰斯聞得時無怠今萬

乘方爭時游者主事索隱曰言萬乘爭雄之時游說者可以立功成名當得典主事務也劉氏云游歷諸侯當

覓強主以事之於文紆迴非也今秦王欲吞天下稱帝而治此布衣馳騫

之時而游說者之秋也

正義曰言秋時萬物成熟今爭疆時亦說事成孰時

處卑賤之

位而計不為者此禽鹿視肉人面而能彊行者耳

索隱曰禽鹿猶

禽獸也言禽獸但知視肉而食之莊子及蘇子曰人而不學譬之視肉而食楊子法言曰人而不學如禽何言不假遊說取榮貴即如禽獸徒

有人面而能強行也

故詬莫大於卑賤

正義曰呼斥反耻辱也

而悲莫甚於窮困

又處卑賤之位困苦之地非世而惡利

正義曰言譏世富貴惡其榮利自託於無

為者非士人之情實力不能致此也

自託於無為此非士之情也

索隱曰非者譏也所謂處

上橫議之時也

故斯將西說秦王矣至秦會莊襄王卒李斯乃求

為秦相文信侯呂不韋舍人不韋賢之任以為郎李斯

因以得說說秦王曰胥人者去其幾也

索隱曰胥人猶胥吏小人也去猶去也幾

者動之微以言君子見幾而作不俟終日小人不識動微之會故每失時也劉氏解幾為彊非也○正義曰胥相也幾謂察也言關東六國與

秦相敵者若臣機密並有瑕釁可成大功而遂忍之

成大功者在因瑕釁而遂忍之

索隱

曰言因諸侯有瑕釁則忍心而翦除故我將說秦以并天下也

昔者秦穆公之霸終不東并六

國者何也諸侯尚眾周德未衰故五伯迭興更尊周室

自秦孝公以來周室卑微諸侯相兼關東為六國秦之

乘勝役諸侯蓋六世矣

正義曰秦孝公惠文王武王昭王孝文王莊襄王

今諸侯服

秦譬若郡縣夫以秦之彊大王之賢由竈上騷除

徐廣曰騷音掃

○索隱曰言秦欲并天下若炊婦掃除竈上之不淨不足為難也

足以滅諸侯成帝業為天下

一統此萬世之一時也今怠而不急就諸侯復彊相聚

約從雖有黃帝之賢不能并也秦王乃拜斯為長史聽

其計陰遣謀士齎持金玉以游說諸侯諸侯名士可下

以財者厚遺結之不肯者利劍刺之離其君臣之計秦

王乃使其良將隨其後秦王拜斯為客卿會韓人鄭國

來間秦以作注溉渠正義曰鄭國渠首起雍州雲陽縣西南二十里自山邸鄠口為渠傍北山東注洛三百餘里以溉田又曰韓苦秦兵而使水工鄭巴而覺秦宗室大臣

皆言秦王曰諸侯人來事秦者大抵為其主游間於秦

耳請一切逐客索隱曰一切猶一例言盡逐之也言切者譬若利刀之割一通斤無不斷者解漢書者以一切為權

時義亦未為得也李斯議亦在逐中斯乃上書曰正義曰在始皇十年臣聞吏

議逐客竊以為過矣昔繆公求士西取由余於戎東得

百里奚於宛索隱曰秦本紀云晉獻公以百里奚為秦穆公夫人媵於秦奚亡走宛楚鄙人執之是也○正義曰新序

迎蹇叔於宋索隱曰秦紀又云百里奚謂繆公曰臣不如臣友蹇

叔蹇叔賢而世莫知穆公厚幣迎之以為上大夫今云於宋未詳

所出○正義曰括地志云蹇叔岐州人也時遊宋故迎之於宋

豹公孫支於晉索隱曰不豹自晉奔秦左氏傳有明文公孫支謂子孫也是秦大夫而云自晉以來亦未見其所

出○正義曰括地志云公孫支岐州人遊晉後歸秦

此五者不產於秦而繆公用之并

國二十遂霸西戎索隱曰秦本紀穆公用由余謀伐戎王益國十開地千里遂霸西戎此都言五千之功故云

并國二十或易為十二誤也孝公用商鞅之法移風易俗民以殷盛國

以富疆百姓樂用諸侯親服獲楚魏之師舉地千里至

今治疆惠王用張儀之計拔三川之地西并巴蜀索隱曰秦

惠王時張儀為相請伐韓下兵三川以臨二周司馬錯請伐蜀惠王從

之果滅蜀儀死後武王欲通車三川令其茂拔宜陽今並云張儀者以

儀為秦相雖錯滅蜀甘茂通三川皆歸功於相又三川是儀先請伐故也北收上郡正義曰惠王十年魏納上郡十五縣南

取漢中正義曰惠王十三年攻楚漢中取地六百里包九夷制鄢郢索隱曰九夷即屬楚之夷也地

萬曆二十四年刊

理志南郡江陵縣云故楚郢都又宜城縣云故鄢也○正義曰夷謂并

巴蜀收上都取漢中伐義渠丹擊是也九夷本東夷九種此言者文體

也然東據成臯之險正義曰河南府汜水縣也割膏腴之壤遂散六國之

從使之西面事秦功施到今昭王得范雎廢穰侯逐華

陽徐廣曰華一作葉彊公室杜私門蠶食諸侯使秦成帝業索隱曰淮南云蠶食

盡無餘也此四君者皆以客之功由此觀之客何負於

秦哉向使四君却客而不內疏士而不用是使國無富

利之實而秦無彊大之名也今陛下致昆山之玉正義曰

千闐國東北四百里其岡出玉有隨和之寶正義曰括地志云潁山一名崑山一名斷蛇丘在隨州隨縣北二十五里

說苑云昔隨侯行遇大蛇中斷疑其靈使人以藥封之蛇乃能去因號

其處為斷蛇丘歲餘蛇銜明珠徑寸絕白而有光因號隨珠下和璧始

皇以為傳垂明月之珠服太阿之劍見蘇秦傳乘織離之馬徐廣曰織

離蒲稍皆駿馬名○索隱曰徐氏據孫卿子而為說建翠鳳之旗樹靈鼉之鼓鄭玄注凡

可以此數寶者秦不生一焉而陛下說之何也必秦國之

所生然後可則是夜光之璧不飾朝廷犀象之器不為

玩好鄭衛之女不充後宮而駿良馱馱不實外廐索隱曰馱音決

馱音提周書曰正北以馱馱為獻廣雅曰馬屬也郭景純注上林賦云生三日而超其母也江南金錫不為用

西蜀丹青不為采所以飾後宮充下陳索隱曰下陳猶後列也晏子曰有二女願

得入身於娛心意說耳目者必出於秦然後可則是宛珠

之簪傅璣之珥索隱曰宛音於阮反傅音附即隨珠也宛者謂以珠宛轉而裝其簪傅者以璣附着於珥珥者頭也

璣是珠之不圓者或云宛珠死地珠也隨在漢水之南宛亦近漢阿緞

故曰宛珠璣者女飾也言女傅之珥以璣為之並非秦所有物也阿緞

之衣錦繡之飾徐廣曰齊之東阿縣繒帛所出不進於前而隨俗雅化徐廣

萬曆二十四年刊

卷之二十一

日

曰隨俗一作脩使○索隱曰
謂開雅變化而能隨俗也 佳冶窈窕趙女不立於側也夫

擊甕叩鏡彈箏搏髀而歌呼嗚嗚快耳目者真秦之聲

也索隱曰說文云甕汲鏡也音於貢反正瓦器也秦人鼓之以節樂鏡音甫有反鄭衛桑間昭虞武象

者索隱曰昭一作韶異國之樂也今棄擊甕叩鏡而就鄭衛退

彈箏而取昭虞若是者何也快意當前適觀而已矣今

取人則不然不問可否不論曲直非秦者去為客者逐

然則是所重者在乎色樂珠玉而所輕者在乎人民也

此非所以跨海內制諸侯之術也臣聞地廣者粟多國

大者人眾兵彊則士勇是以太山不讓土壤故能成其

大河海不擇細流故能就其深王者不却眾庶故能明

其德索隱曰管子曰海不辭水故能成其大泰山不辭土石故能成其高文子曰聖人不讓負薪之言以廣其名也是以

地無四方民無異國四時充美鬼神降福此五帝三王

之所以無敵也今乃棄黔首以資敵國索隱曰資猶給也却賓客

以業諸侯使天下之士退而不敢西向裹足不入秦此

所謂藉寇兵而資盜糧者也索隱曰藉音積夜友齋音子奚反說文曰齋持遺也齋或為資義亦通

夫物不產於秦可寶者多士不產於秦而願忠者眾

今逐客以資敵國損民以益讎內自虛而外樹怨於諸

侯求國無危不可得也秦王乃除逐客之令復李斯官

新序曰斯在逐中道上上諫書有達始皇始皇使人逐至驪邑得還卒用其計謀官至廷尉二十

餘年竟并天下尊主為皇帝以斯為丞相夷郡縣城銷

萬曆二十四年刊

其兵刃示不復用使秦無尺土之封不立子弟為王功臣為諸侯者使後無戰攻之患始皇三十四年置酒咸陽宮博士僕射周青臣等頌稱始皇威德齊人淳于越進諫曰臣聞之殷周之王千餘歲封子弟功臣自為支輔今陛下有海內而子弟為匹夫卒有田常六卿之患臣無輔弼何以相救哉事不師古而能長久者非所聞也今青臣等又面諛以重陛下過非忠臣也索隱曰重音遂用反重者再也始皇下其議丞相丞相謬其說紕其辭乃上書曰古者天下散亂莫能相一是以諸侯並作語皆道古以害今飾虛言以亂實人善其所私學以非上所建立今陛下

并有天下辨白黑而定一尊

索隱曰劉氏云前時國異政家殊俗人造私語莫辨其真今乃分別

白黑也秦始皇并六國定天下海內共尊立一帝故云定一尊而私學乃相與非法教之制聞

今下即各以其私學議之入則心非出則巷議非主以為名異趣以為高率群下以造謗如此不禁則主勢降乎上黨與成乎下禁之便臣請諸有文學詩書百家語者蠲除去之令到滿三十日弗去黥為城旦所不去者醫藥小筮種樹之書若有欲學者以吏為師始皇可其議收去詩書百家之語以愚百姓使天下無以古非今明法度定律令皆以始皇起同文書正義曰六國制令治離不同今今同之治離宮別館周徧天下明年又巡狩外攘四夷斯皆有力焉

斯長男由為三川守諸男皆尚秦公主女悉嫁秦諸公
 子三川守李由告歸咸陽李斯置酒於家百官長皆前
 為壽門廷車騎以千數李斯喟然而歎曰嗟乎吾聞之
 荀卿曰物禁大盛夫斯乃上蔡布衣閭巷之黔首上不
 知其駑下遂擢至此當今人臣之位無居臣上者可謂
 富貴極矣物極則衰吾未知所稅駕也索隱曰稅駕猶解駕
言休息也李斯言已
 今日信貴已極然未知向後古凶止泊在何處也始皇二十七年十月行出游會稽
 並海上北抵琅邪正義曰今沂州丞相斯中車府令趙高兼行
 符璽令事皆從始皇有二十餘子長子扶蘇以數直諫
 上上使監兵上郡正義曰上郡故城在綏州上縣東南五十里蒙恬為將少子胡

亥愛請從上許之餘子莫從

辦七隱姓名遺秦將章邯書曰李斯為秦王死廢十七兄而立今玉

也然則二世是秦始皇第十八子此書在善文中

其年七月始皇帝至沙丘

正義曰沙丘臺在邢

也病甚令趙高為書賜公子扶蘇曰以兵屬蒙恬與喪

會咸陽而葬書已封未授使者始皇崩書及璽皆在趙

高所獨子胡亥丞相李斯趙高及幸宦者五六人知始

皇崩餘羣臣皆莫知也李斯以為上在外崩無真太子

故祕之置始皇居輜輳車中

徐廣曰一作輜車

百官奏事上食如

故宦者輒從輜輳車中可諸奏事

文穎曰輜輳車如今喪輜車也孟康曰如衣車有窓

牖閉之則溫開之則涼故名之輜輳車也如淳曰輜輳車其形廣大有羽飾也

趙高因留所賜扶蘇璽

書而謂公子胡亥曰上崩無詔封王諸子而獨賜長子

書長子至即立為皇帝而子無尺寸之地為之奈何胡
亥曰固也吾聞之明君知臣明父知子父捐命不封諸
子何可言者趙高曰不然方今天下之權存亡在子與
高及丞相耳願子圖之且夫臣人與見臣於人制人與
見制於人豈可同日道哉胡亥曰廢兄而立弟是不義
也不奉父詔而畏死是不孝也能薄而材譎史記音隱宰
顯反○索隱
曰劉氏音將淺反則譎亦淺義古
人語自有重輕所以義字有異彊因人之功是不能也三者
逆德天下不服身殆傾危社稷不血食高曰臣聞湯武
殺其主天下稱義焉不為不忠衛君殺其父而衛國載
其德孔子著之不為不孝夫大行不小謹盛德不辭讓

鄉曲各有宜而百官不同功胡顧小而忘大後必有害
狐疑猶豫後必有悔斷而敢行鬼神避之後有成功願
子遂之胡亥喟然歎曰今大行未發喪禮未終豈宜以
此事干丞相哉趙高曰時乎時乎間不及謀羸糧躍馬
唯恐後時胡亥既然高之言高曰不與丞相謀恐事不
能成臣請為子與丞相謀之高乃謂丞相斯曰上崩賜
長子書與喪會咸陽而立為嗣書未行今上崩未有知
者也有所賜長子書及符璽皆在胡亥所定太子在君侯
與高之口耳事將何如斯曰安得亡國之言此非人臣
所當議也高曰君侯自料能孰與蒙恬功高孰與蒙恬

謀遠不失孰與蒙恬無怨於天下孰與蒙恬長子舊而
信之孰與蒙恬斯曰此五者皆不及蒙恬而君責之何
深也高曰高固內宦之厮役也幸得以刀筆之文進入
秦官管事二十餘年未嘗見秦免罷丞相功臣有封及
二世者也卒皆以誅亡皇帝二十餘子皆君之所知長
子剛毅而武勇信人而奮士即位必用蒙恬為丞相君
侯終不懷通侯之印歸於鄉里明矣高受詔教習胡亥
使學以法事數年矣未嘗見過失慈仁篤厚輕財重士
辯於心而詘於口盡禮敬士秦之諸子未有及此者可
以為嗣君計而定之斯曰君其反位斯奉主之詔聽天

之命何慮之可定也高曰安可危也危可安也安危不

定何以貴聖斯曰斯上蔡間巷布衣也上幸擢為丞相

封為通侯子孫皆至尊位重祿者故將以存亡安危屬

臣也豈可負哉夫忠臣不避死而庶幾索隱曰斯言中心之節本不避死言已今

日亦庶幾盡忠不避死也孝子不勤勞而見危人臣各守其職而已矣

君其勿復言將令斯得罪高曰蓋聞聖人遷徙無常就

變而從時見末而知本觀指而覩歸物固有之安得常

法哉方今天下之權命懸於胡亥高能得志焉且夫從

外制中謂之惑從下制上謂之賊故秋霜降者草花落

水搖動者萬物作索隱曰水搖者謂水洋而搖動也是春時而萬物皆生也此必然之效也

君何見之晚斯曰吾聞晉易太子正義曰謂廢申生立奚齊也二世不安

齊桓兄弟爭位正義曰謂小白與公子糾身死為戮紂殺親戚正義曰謂殺比干囚箕子

不聽諫者國為丘墟遂危社稷二者逆天宗廟不血食

斯其猶人哉安足為謀索隱曰言我今日猶是人人道守順豈能為逆謀故云安足為謀也高曰

上下合同可以長久中外若一事無表裏君聽臣之計

即長有封侯世世稱孤必有喬松之壽孔黑之智今釋

此而不從禍及子孫足以為寒心善者因禍為福君何

處焉斯乃仰天而歎垂淚太息曰嗟乎獨遭亂世既以

不能死安託命哉於是斯乃聽高高乃報胡亥曰臣請

奉太子之明命以報丞相丞相斯敢不奉令於是乃相

與謀詐為受始皇詔丞相立子胡亥為太子更為書賜

長子扶蘇曰朕巡天下禱祠名山諸神以延壽命今扶

蘇與將軍蒙恬將師數十萬以屯邊十有餘年矣不能

進而前士卒多耗無尺寸之功乃反數上書直言誹謗

我所為以不得罷歸為太子日夜怨望扶蘇為人子不

孝其賜劔以自裁將軍恬與扶蘇居外不匡正宜知其

謀為人臣不忠其賜死以兵屬裨將王離封其書以皇

帝璽遣胡亥客奉書賜扶蘇於上郡使者至發書扶蘇

泣入內舍欲自殺蒙恬止扶蘇曰陛下居外未立太子

使臣將三十萬眾守邊公子為監此天下重任也今一

墨

使者來即自殺安知其非詐請復請復請而後死未暮也使者數趣之扶蘇為人仁謂蒙恬曰父而賜子死尚安復請即自殺蒙恬不肯死使者即以屬吏繫於陽周

徐廣曰屬上郡正義曰陽周寧州羅川縣之邑也使者還報胡亥斯高大喜至咸陽

發喪太子立為二世皇帝以趙高為郎中令常侍中用事二世燕居乃召高與謀事謂曰夫人生居世間也譬猶騁六驥過決隙也吾既已臨天下矣欲悉耳目之所好窮心志之所樂以安宗廟而樂萬姓長有天下終吾年壽其道可乎高曰此賢主之所能行也而昏亂主之所禁也臣請言之不敢避斧鉞之誅願陛下少留意焉

夫沙丘之謀諸公子及大臣皆疑焉而諸公子盡帝兄大臣又先帝之所置也今陛下初立此其屬意快快皆不服恐為變且蒙恬已死蒙毅將兵居外臣戰戰栗栗唯恐不終且陛下安得為此樂乎二世曰為之奈何趙高曰嚴法而刻刑令有罪者相坐誅至收族滅大臣而遠骨肉貧者富之賤者貴之盡除去先帝之故臣更置陛下之所親信者近之此則陰德歸陛下害除而姦謀塞羣臣莫不被潤澤蒙厚德陛下則高枕肆志寵樂矣計莫出於此二世然高之言乃更為法律於是羣臣諸公子有罪輒下高令鞠治之殺大臣蒙毅等公子十二

人僂死咸陽市十公主斫死於杜

史記正義曰斫音財格反○索隱曰斫音宅與礫同

古今字異耳礫謂

裂其支幹而殺之財物入於縣官相連坐者不可勝數公子

高欲奔恐收族乃上書曰先帝無恙時臣入則賜食出

則乘輿御府之衣臣得賜之中廐之寶馬臣得賜之臣

當從死而不能為人子不孝為人臣不忠不忠者無名

以立於世臣請從死願葬酈山之足唯上幸哀憐之書

上胡亥大說召趙高而示之曰此可為急乎趙高曰人

臣當憂死而不暇何變之得謀胡亥可其書賜錢十萬

以葬法令誅罰日益刻深羣臣人人自危欲畔者衆又

作阿房之宮治直馳道賦歛愈重成徭無已於是楚戍

卒陳勝吳廣等乃作亂起於山東傑俊相立自置為侯

王叛秦兵至鴻門而却李斯數欲請間諫二世不許而

二世責問李斯曰吾有私議而有所聞於韓子也曰堯

之有天下也堂高三尺采椽不斲

徐廣曰采一名櫟一作柞○索隱曰采木名即今之

櫟木也茅茨不翦雖逆旅之宿不勤於此矣冬日鹿裘夏

日葛衣染糲之食

索隱曰染音資糲音郎葛反染者稷也糲者鹿粟飯也

藜藿之羹飯

土匭

徐廣曰一作溜啜土釧

音刑雖監門之養不穀於此矣

徐廣曰穀音馨

穀一作穀推也○索隱曰爾雅云穀盡也言監門下人飯猶不盡此若徐氏云一作穀則字宜作較鄒氏音角

禹鑿龍門

通大夏疏九河曲九防

正義曰謂河之九曲別為隄防

決滄水致之海

曰致一作放

而股無胼

胼皮膚

脛無毛手足胼胝面目黎黑遂以

死於外葬於會稽臣虜之勞不烈於此矣然則夫所貴於有天下者豈欲苦形勞神身處逆旅之宿口食監門之養手持臣虜之作哉此不肖人之所勉也非賢者之所務也彼賢人之有天下也專用天下適已而已矣此所以貴於有天下也夫所謂賢人者必能安天下而治萬民令身且不能利將惡能治天下哉故吾願肆志廣欲長享天下而無害爲之奈何李斯子由爲三川守羣盜吳廣等西略地過去弗能禁章邯以破逐廣等兵使者覆案三川相屬誚讓斯居三公位如何令盜如此李斯恐懼重爵祿不知所出乃阿二世意欲求容以書對

曰夫賢主者必且能全道而行督責之術者也

索隱曰督者察也察

其罪責之以刑罰也

督責之則臣不敢不竭能以徇其主矣此臣主

之分定上下之義明則天下賢不肖莫敢不盡力竭任

以徇其君矣是故主獨制於天下而無所制也能窮樂

之極矣賢明之主也可不察焉故申子曰有天下而不

恣睢

索隱曰恣音資二反睢音呼季反恣睢猶放縱也謂肆情縱恣也

命之曰以天下爲桎梏

正義曰言有天下不能自縱恣督責乃勞身於天下若堯禹卽以天下爲桎梏於身也

無他焉不能督責而

顧以其身勞於天下之民若堯禹然故謂之桎梏也夫

不能脩申韓之明術行督責之道專以天下自適也而

徒務苦形勞神以身徇百姓則是黔首之役非畜天下

者也何足貴哉夫以人徇己則己貴而人賤以己徇人則己賤而人貴故徇人者賤而人所徇者貴自古及今未有不然者也凡古之所為尊賢者為其貴也而所為惡不肖者為其賤也而堯禹以身徇天下者也因隨而尊之則亦失所為尊賢之心矣夫可謂大繆矣謂之為桎梏不亦宜乎不能督責之過也故韓子曰慈母有敗子而嚴家無格虜者何也索隱曰格彊悍也虜奴隸也言嚴整之家本無格悍奴僕也則能罰之加焉必也故商君之法刑棄灰於道者正義曰棄灰於道者黥也罪也而被刑重罰也彼唯明主為能深督輕罪夫罪輕

且督深而况有重罪乎故民不敢犯也是故韓子曰布

帛尋常庸人不釋索隱曰尋常以言其少也庸人弗釋者謂庸人見則取之不釋以其罪輕也故下云罰不必行

則庸人弗釋 鑠金百鎰盜跖不搏者索隱曰爾雅云鑠美也言百鎰之美金在於地雖有盜跖之行亦不取者為其財多而罪重也故下云搏必隨手刑盜跖不搏也搏猶攫也取也凡鳥翼擊物必轉足取攫故人取物亦云搏也

非庸人之心重尋常之利深而盜跖之欲淺也又不以盜跖之行為輕百鎰之重也搏必隨手刑則盜跖不搏

百鎰而罰不必行也則庸人不釋尋常是故城高五丈

而樓季不輕犯也許慎曰樓季魏文侯之弟王孫子曰樓季之兄也泰山之高百仞

而跛牂牧其上詩云牂羊墳首毛傳曰牝曰牂夫樓季也而難五丈之限

豈跛牂也而易百仞之高哉峭壑之勢異也索隱曰峭峻也高也音毛

笑反漸音漸以言峭峻則難登故樓季難工文之限乎漸則易涉故跛羊牧於泰山也明主聖王之所以能

又處尊位長執重勢而獨擅天下之利者非有異道也

能獨斷而審督責必深罰故天下不敢犯也今不務所

以不犯而事慈母之所以敗子也則亦不察於聖人之

論矣夫不能行聖人之術則舍為天下役何事哉可不

哀邪索隱曰舍猶廢也止也言為人主不能行聖人督責之術則已廢止何為勤身苦心為天下所役是何哉可不哀邪言其非也

且夫儉節仁義之人立於朝則荒肆之樂輟矣諫說論

理之臣開於側則流漫之志詘矣烈士死節之行顯於

世則淫康之虞廢矣故明主能外此三者而獨操主術

以制聽從之臣而脩其明法故身尊而勢重也凡賢主

者必將能拂世摩俗而廢其所惡立其所欲索隱曰拂音扶弗反摩音

莫何反拂世言與世情乖戾摩俗言磨礪於俗使從已也故生則有尊重之勢死則有賢

明之謚也是以明君獨斷故權不在臣也然後能滅仁

義之塗掩馳說之口困烈士之行塞聰揜明內獨視聽

故外不可傾以仁義烈士之行而內不可奪以諫說忿

爭之辯故能犖然獨行恣睢之心而莫之敢逆若此然

後可謂能明申韓之術而脩商君之法法脩術明而天

下亂者未之聞也故曰王道約而易操也唯明主為能

行之若此則謂督責之誠則臣無邪臣無邪則天下安

天下安則主嚴尊主嚴尊則督責必督責必則所求得

所求得則國家富國家富則君樂豐故督責之術設則所欲無不得矣羣臣百姓救過不給何變之敢圖若此則帝道備而可謂能明君臣之術矣雖申韓復生不能加也書奏二世悅於是行督責益嚴稅民深者為明吏二世曰若此則可謂能督責矣刑者相半於道而死人日成積於市殺人衆者為忠臣二世曰若此則可謂能督責矣初趙高為郎中令所殺及報私怨衆多恐大臣入朝奏事毀惡之乃說二世曰天子所以貴者但以聞聲羣臣莫得見其面故號曰朕且陛下富於春秋未必盡通諸事徐廣曰通或宜作照今坐朝廷譴舉有不當者則見短於大

臣非所以示神明於天下也且陛下深拱禁中與臣及

侍中習法者待事事來有以揆之徐廣曰揆一作揆也如此則大臣

不敢奏疑事天下稱聖主矣二世用其計乃不坐朝廷

見大臣居禁中趙高常侍中用事事皆決於趙高高聞

李斯以為言乃見丞相曰關東羣盜多今上急發繇治

阿房宮索隱曰房音旁一如字聚狗馬無用之物臣欲諫為位賤此

真君侯之事君何不諫李斯曰固也吾欲言之久矣今

時上不坐朝廷上居深宮吾有所言者不可傳也欲見

無間趙高謂曰君誠能諫請為君侯上間語君於是趙


高待二世方燕樂婦女居前使人告丞相上方間可奏

事丞相至宮門上謁如此者三二世怒曰吾常多間日
丞相不來吾方燕私丞相輒來請事丞相豈少我哉且
固我哉索隱曰謂以我幼故輕我也一云固我者以我為短小且固陋也於義為踈趙高因曰如此
殆矣夫沙丘之謀丞相與焉今陛下已立為帝而丞相
貴不益此其意亦望裂地而王矣且陛下不問臣臣不
敢言丞相長男李由為三川守楚盜陳勝等皆丞相傍
縣之子以故楚盜公行徐廣曰公一作訟音私過三川城守不肯擊
高聞其文書相往來未得其審故未敢以聞且丞相居
外權重於陛下二世以為然欲案丞相恐其不審乃使
人案驗三川守與盜通狀李斯聞之是時二世在甘泉

方作殼抵優俳之觀應邵曰戰國之時稍增講武之禮以為戲樂用相夸示而秦更名曰角抵角者角材也抵

者相抵觸也文穎曰案秦名此樂為角抵兩兩相當角力角伎藝射御故曰角抵也翻案殼抵即角抵李斯不得見

因上書言趙高之短曰臣聞之臣疑其君無不危國妾
疑其夫無不危家今有大臣於陛下擅利擅害與陛下
無異此甚不便昔者司城子罕相宋身行刑罰以威行
之暮年遂劫其君田常為簡公臣爵列無敵於國私家
之富與公家均布惠施德下得百姓上得羣臣陰取齊
國殺宰予於庭即弑簡公於朝遂有齊國此天下所明
知也今高有邪佚之志危反之行如子罕相宋也私家
之富若田氏之於齊也兼行田常子罕之逆道而劫陛



下之威信其志若韓玘為韓安相也

索隱曰玘亦作起並音怡韓大夫弒其君悼公

者然韓無悼公或鄭之嗣君案表韓玘事昭侯昭侯已下四代至王安其說非也

陛下不圖臣恐其為

變也二世曰何哉夫高故宦人也然不為安肆志不以

危易心潔行脩善自使至此以忠得進以信守位朕實

賢之而君疑之何也且朕少失先人無所識知不習治

民而君又老恐與天下絕矣朕非屬趙君當誰任哉且

趙君為人精廉彊力下知人情上能適朕君其勿疑李

斯曰不然夫高故賤人也無識於理貪欲無厭求利不

止列勢次主求欲無窮臣故曰殆二世已前信趙高恐

李斯殺之乃私告趙高高曰丞相所患者獨高高已死

丞相即欲為田常所為於是二世曰其以李斯屬郎中

令趙高案治李斯李斯拘執束縛居圜中仰天而歎

曰嗟乎悲夫不道之君何可為計哉昔者桀殺關龍逢

紂殺王子比干吳王夫差殺伍子胥此三臣者豈不忠

哉然而不免於死身死而所忠者非也今吾智不及三

子而二世之無道過於桀紂夫差吾以忠死宜矣且二

世之治豈不亂哉日者夷其兄弟而自立也殺忠臣而

貴賤人作為阿房之宮賦歛天下吾非不諫也而不吾

聽也凡古聖王飲食有節車器有數宮室有度出令造

事加費而無益於民利者禁故能長久治安今行逆於

李其友傳二十一
四百廿七
昆弟不顧其咎侵殺忠臣不思其殃大爲宮室厚賦天下不愛其費三者已行天下不聽今反者已有天下之半矣而心尚未寤也而以趙高爲佐吾必見寇至咸陽麋鹿游於朝也於是二世乃使高案丞相獄治罪責斯與子由謀反狀皆收捕宗族賓客趙高治斯榜掠千餘不勝痛自誣服斯所以不死者自負其辯有功實無反心幸得上書自陳幸二世之寤而赦之李斯乃從獄中上書曰臣爲丞相治民三十餘年矣逮秦地之陝隘先王之時秦地不過千里兵數十萬臣盡薄材謹奉法令陰行謀臣資之金玉使游說諸侯陰脩甲兵飾政教官

鬪士尊功臣盛其爵祿故終以脅韓弱魏破燕趙夷齊楚卒兼六國虜其王立秦爲天子罪一矣地非不廣又北逐胡貉南定百越以見秦之彊罪二矣尊大臣盛其爵位以固其親罪三矣立社稷脩宗廟以明主之賢罪四矣更剋畫平斗斛度量文章布之天下以樹秦之名罪五矣治馳道興游觀以見主之得意罪六矣緩刑罰薄賦歛以遂主得衆之心萬民戴主死而不忘罪七矣若斯之爲臣者罪足以死固久矣上幸盡其能力乃得至今願陛下察之書上趙高使吏棄去不奏曰囚安得上書趙高使其客十餘輩詐爲御史謁者侍中更徃覆

訊斯斯更以其實對輒使人復榜之後二世使人驗斯
斯以爲如前終不敢更言辭服奏當上二世喜曰微趙
君幾爲丞相所賣及二世所使案三川之守至則項梁
已擊殺之使者來會丞相下吏趙高皆妄爲反辭二世
二年七月具斯五刑論腰斬咸陽市斯出獄與其中子
俱執顧謂其中子曰吾欲與若復牽黃犬俱出上蔡東
門逐狡兔豈可得乎遂父子相哭而夷三族李斯已死
二世拜趙高爲中丞相事無大小輒決於高高自知權
重乃獻鹿謂之馬二世問左右此乃鹿也左右皆曰馬
也二世驚自以爲惑乃召太卜令卦之太卜曰陛下春

秋郊祀奉宗廟鬼神齋戒不明故至于此可依盛德而
明齋戒於是乃入上林齋戒日游弋獵有行人入上林
中二世自射殺之趙高教其女壻咸陽令閻樂劾不知
何人賊殺人移上林高乃誅二世曰天子無故賊殺不
辜人此上帝之禁也鬼神不享天且降殃當遠避宮以
禳之二世乃出居望夷之宮留三日趙高詐詔衛士令
士皆素服持兵內鄉入告二世曰山東羣盜兵大至二
世上觀而見之恐懼高卽因劫令自殺引壘而佩之左
右百官莫從上殿殿欲壞者二高自知天弗與羣臣弗
許乃召始皇弟授之壘

徐廣曰一本曰召始皇弟子嬰授之壘
秦本紀云子嬰者二世之兄子也○索

隱曰劉氏云弟字子嬰卽位患之乃稱疾不聽事與宦者

韓談及其子謀殺高高上謁請病因召入令韓談刺殺

之夷其三族子嬰立三月沛公兵從武關入至咸陽羣

臣百官皆畔不適徐廣曰適音敬也子嬰與妻子自係其頸以組

降軹道旁正義曰軹道在萬年縣東北十六里沛公因以屬吏項王至而斬之

遂以亡天下

太史公曰李斯以閭閻歷諸侯入事秦因以瑕釁以輔

始皇卒成帝業斯為三公可謂專用矣斯知六藝之歸

不務明政以補主上之缺持爵祿之重阿順苟合嚴威

酷刑聽高邪說廢適立庶諸侯已畔斯乃欲諫爭不亦

末乎人皆以斯極忠而被五刑死察其本乃與俗議之

異不然斯之功且與周劭列矣

索隱述贊曰

鼠在所居

人固擇地

斯效智力

功立名遂

置酒咸陽

人臣極位

一夫誑惑

變易神器

國喪身誅

本同末異

本信未具

一夫瑤海

變其輻器

國喪良精

內立各器

置置海器

人臣其器

人其五河岳

人固對世

人固對世

索隱本贊曰

異不然謀之也且與周昭既矣

未平人皆以謀其忠而越正既察其本氏與命類之

蒙恬列傳第二十八

史記八十八

蒙恬者其先齊人也恬大父蒙驁

索隱曰驁音邀又鄒氏音五到反

自齊

事秦昭王官至上卿秦莊襄王元年蒙驁為秦將伐韓

取城皐榮陽作置三川郡二年蒙驁攻趙取三十七城

始皇三年蒙驁攻韓取十三城五年蒙驁攻魏取二十

城作置東郡始皇七年蒙驁卒驁子曰武武子曰恬恬

嘗書獄典文學

索隱曰謂恬嘗學獄法遂作獄官文學

始皇二十三年蒙武為

秦裨將軍與王翦攻楚大破之殺項燕二十四年蒙武

攻楚虜楚王蒙恬弟毅始皇二十六年蒙恬因家世得

為秦將攻齊大破之拜為內史秦已并天下乃使蒙恬

將三十萬衆北逐戎狄收河南

正義曰謂靈及勝等州

築長城因

地形用制險塞起臨洮

徐廣曰屬隴西

至遼東

正義曰遼東郡在遼水東始皇築長

城東至遼水西南至海之上

延袤萬餘里於是渡河據陽山

徐廣曰五原西安陽縣北

有陰山陰山在河南陽山在河北

透蛇而北暴師於外十餘年居上郡是

時蒙恬威振匈奴始皇甚尊寵蒙氏信任賢之而親近

蒙毅位至上卿出則參乘入則御前恬任外事而毅常

為內謀名為忠信故雖諸將相莫敢與之爭焉趙高者

諸趙疏遠屬也趙高昆弟數人皆生隱宮

徐廣曰為宦者索隱曰劉氏

云蓋其父犯官刑妻子沒為奴婢妻後野合所生子皆承趙姓並官之故云兄弟生於隱宮也

其母被刑僂世世

卑賤秦王聞高彊力通於獄法舉以為中車府令高即

私事公子胡亥喻之決獄高有大罪秦王令蒙毅法治

之毅不敢阿法當高罪死除其官籍帝以高之敦於事

也

徐廣曰敦一作敏

赦之復其官爵始皇欲游天下道九原

正義曰九原郡

今勝州連谷縣是

直抵甘泉

正義曰宮在雍州

乃使蒙恬通道自九原抵甘

泉塹山堙谷千八百里道未就始皇三十七年冬行出

游會稽並海上

索隱曰並白浪反

北走琅邪

索隱曰走音奏走猶向也鄒氏音趨趨亦向義於字

道病使蒙毅還禱山川未反始皇至沙丘崩祕之羣


臣莫知是時丞相李斯少子胡亥中車府令趙高常從

高雅得幸於胡亥欲立之又怨蒙毅法治之而不為已

也因有賊心乃與丞相李斯公子胡亥陰謀立胡亥為

太子太子已立遣使者以罪賜公子扶蘇蒙恬死扶蘇已死蒙恬疑而復請之使者以蒙恬屬吏更置胡亥以李斯舍人為護軍使者還報胡亥已聞扶蘇死即欲釋蒙恬趙高恐蒙氏復貴而事怨之毅還至趙高因為胡亥忠計欲以滅蒙氏乃言曰臣聞先帝欲舉賢立太子久矣而毅諫曰不可若知賢而愈不立則是不忠而惑主也索隱曰愈一作俞俞即踰也音史謂知太子賢而踰久不立是不忠也以臣愚意不若誅之胡亥聽而繫蒙毅於代正義曰今代州也因前已囚蒙恬於陽周喪至咸陽已葬太子立為二世皇帝而趙高親近日夜殺惡蒙氏求其罪過舉劾之子嬰進諫曰臣聞

故趙王遷殺其良臣李牧而用顏聚燕王喜陰用荊軻之謀而倍秦之約齊王建殺其故世忠臣而用后勝之議此三君者皆各以變古者失其國而殃及其身今蒙氏秦之大臣謀士也而主欲一旦棄去之臣竊以為不可臣聞輕慮者不可以治國獨智者不可以存君徐廣曰無此字誅殺忠臣而立無節行之人是內使羣臣不相信而外使鬪士之意離也臣竊以為不可胡亥不聽而遣御史曲宮乘傳之代索隱曰曲姓宮名今蒙毅曰先主欲立太子而卿難之今丞相以卿為不忠罪及其宗朕不忍乃賜卿死亦甚幸矣卿其圖之毅對曰以臣不能得先主之意



則臣少宦順幸沒世可謂知意矣

索隱曰蒙毅言已少事始皇順旨蒙恩幸至始皇沒

世可謂知上意也

以臣不知太子之能則太子獨從周旋天下去

諸公子絕遠臣無所疑矣夫先主之舉用太子數年之

積也臣乃何言之敢諫何慮之敢謀非敢飾辭以避死

也為羞累先主之名願大夫為慮焉使臣得死情實且

夫順成全者道之所貴也刑殺者道之所卒也昔者秦

穆公殺三良而死罪百里奚而非其罪也故立號曰繆

昭襄王殺武安君白起楚平王殺伍奢吳王夫差殺伍

子胥此四君者皆為大失而天下非之以其君為不明

以是籍於諸侯

索隱曰言其惡聲狼籍布於諸國而劉氏云諸侯皆記其惡於史籍非也

故曰用道

治者不殺無罪而罰不加於無辜唯大夫留心使者知

胡亥之意不聽蒙毅之言殺之二世又遣使者之陽周

令蒙恬曰君之過多矣而卿弟毅有大罪法及內史恬

曰自吾先人及至子孫積功信於秦三世矣今臣將兵

三十餘萬身雖囚繫其勢足以倍畔自知必死而守義

者不敢辱先人之教以不忘先主也昔周成王初立未

離襁緥周公旦負王以朝卒定天下及成王有病甚殆

公且自揃其爪以沈於河曰王未有識是日執事有罪

殃且受其不祥乃書而藏之記府可謂信矣及王能治

國有賊臣言周公旦欲為亂久矣王若不備必有大事

王乃大怒周公旦走而奔於楚成王觀於記府得周公旦沈書乃流涕曰孰謂周公旦欲為亂乎殺言之者而

反周公旦故周書曰必參而伍之索隱曰參謂三卿五即五大夫欲參伍更議今

恬之宗世無二心而事卒如此是必孽臣逆亂徐廣曰一作辭內

陵之道也夫成王失而復振則卒昌桀殺關龍逢紂殺

王子比干而不悔身死則國亡臣故曰過可振而諫可

覺也索隱曰此故曰者必先志有此言蒙恬引之以成說也今不知出何書耳振者救也然語亦倒以言前人受諫可覺則其過乃

可救也察於參伍上聖之法也凡臣之言非以求免於咎

也將以諫而死願陛下為萬民思從道也使者曰臣受

詔行法於將軍不敢以將軍言聞於上也蒙恬喟然大

息曰我何罪於天無過而死乎良久徐曰恬罪固當死

矣起臨洮屬之遼東城漸萬餘里此其中不能無絕地

脈哉此乃恬之罪也乃吞藥自殺

太史公曰吾適北邊自直道歸行觀蒙恬所為秦築長

城亭障塹山湮谷通直道固輕百姓力矣夫秦之初滅

諸侯天下之心未定瘡傷者未瘳而恬為名將不以此

時彊諫振百姓之急養老存孤務脩眾庶之和而阿意

興功此其兄弟遇誅不亦宜乎何乃罪地脈哉

索隱述贊曰

蒙氏秦將 內史忠賢 長城首築

萬里安邊 趙高矯制 扶蘇死焉

絕地何罪 勞人是德 呼天欲訴

三代良然

[Faded vertical text columns, likely bleed-through from the reverse side of the page]

張耳陳餘列傳第二十八 史記八十九

張耳陳餘列傳第二十九 史記八十九

索隱曰張耳吳芮勢侔楚漢位埒齊韓俱懷從沛之心咸亨
普河之業爵在列侯之上家傳累代之甚長沙既曰令終趙
王亦謂善始沛
可列同世家焉

張耳者大梁人也 索隱曰臣瓚云今陳留大梁城是也 其少時及魏公子毋忌

為客張耳嘗亡命游外黃 索隱曰晉灼曰命者名也謂脫名籍
而逃崔浩曰亡無也命名也逃匿則

則除名籍故以逃為亡
命地理志外黃屬陳留 外黃富人女甚美嫁庸奴亡其夫 徐廣

曰一二其夫亡也 去抵父客 如淳曰父時故賓客○索隱曰如淳曰抵歸也音丁禮反 父客素知張

耳乃謂女曰必欲求賢夫從張耳女聽乃卒為請決嫁

之張耳 索隱曰謂女請父客為決絕其夫而嫁之張耳 張耳是時脫身游女家厚奉

給張耳張耳以故致千里客乃宦魏為外黃令名由此

益賢

陳餘者亦大梁人也好儒術數游趙苦陘

張晏曰苦陘漢章帝改曰漢昌

○索隱曰地理志屬中山正義曰音邢邢州唐昌縣

富人公乘氏以其女妻之亦知

陳餘非庸人也餘年少父事張耳兩人相與為刎頸交

索隱曰崔浩云言要齊生死斷頸無悔

秦之滅大梁也張耳家外黃高祖為布

衣時嘗數從張耳游客數月秦滅魏數歲已聞此兩人

魏之名士也購求有得張耳千金陳餘五百金張耳陳

餘乃變名姓俱之陳為里監門

張晏曰監門里正衛也

以自食兩人

相對里吏嘗有過笞陳餘陳餘欲起張耳躡之

徐廣曰一作攝使

受笞吏去張耳乃引陳餘之桑下而數之曰始吾與公

言何如今見小辱而欲死一吏乎陳餘然之秦詔書購

求兩人兩人亦反用門者以令里中

索隱曰索門者即餘耳也自以其名而號令里

中許更別求也

陳涉起斬至入陳兵數萬張耳陳餘上謁陳涉涉

及左右生平數聞張耳陳餘賢未嘗見見即大喜陳中

豪傑父老乃說陳涉曰將軍身被堅執銳率士卒以誅

暴秦復立楚社稷存亡繼絕功德宜為王且夫監臨天

下諸將不為王不可願將軍立為楚王也陳涉問此兩

人兩人對曰夫秦為無道破人國家滅人社稷絕人後

世罷百姓之力盡百姓之財將軍瞋目張膽出萬死不

顧一生之計為天下除殘也今始至陳而王之示天下

私願將軍毋王急引兵而西遣人立六國後自為樹黨
為秦益敵也敵多則力分與眾則兵彊如此野無交兵
縣無守城誅暴秦據咸陽以令諸侯諸侯亡而得立以
德服之如此則帝業成矣今獨王陳恐天下解也

正義曰
解紀實

反言天下諸侯見陳勝稱
王王陳皆解墮不相從也陳涉不聽遂立為王陳餘乃復說

陳王曰大王舉梁楚而西務在入關未及收河北也臣
嘗游趙知其豪桀及地形願請奇兵北略趙地於是陳
王以故所善陳人武臣為將軍邵騷為護軍以張耳陳
餘為左右校尉予卒三千人北略趙地武臣等從白馬

渡河索隱曰案酈食其云白馬之津則
白馬津是渡處其地與黎陽對岸至諸縣說其豪桀曰

郭展曰至河
北縣說之秦為亂政虐刑以殘賊天下數十年矣北有

長城之役南有五嶺之戍漢書音義曰嶺有五因以為名在交
趾界中也○索隱曰裴氏廣州記云

大庾始安臨賀桂
陽揭陽斯五嶺外內騷動百姓罷敝頭會箕歛漢書音義
謂數出穀
以箕歛之家家人

刑使天下父子不相安陳王奮臂為天下倡始王楚之
地方二千里莫不響應家自為怒人自為鬪各報其怨
而攻其讎縣殺其令丞郡殺其守尉今已張大楚王陳

使吳廣周文將卒百萬西擊秦於此時而不成封侯之
業者非人豪也諸君試相與計之夫天下同心而苦秦
久矣因天下之力而攻無道之君報父兄之怨而成割

地有土之業此士之一時也豪桀皆然其言乃行收兵得數萬人號武臣為武信君下趙十城餘皆城守莫肯

下乃引兵東北擊范陽范陽人蒯通說范陽令曰漢書曰范陽令

徐公竊聞公之將死故弔雖然賀公得通而生范陽令曰

何以弔之對曰秦法重足下為范陽令十年矣殺人之

孤人之子斷人之足黥人之首不可勝數然而慈父

孝子莫敢傳刃徐廣曰公之腹中者相連李奇曰東方人畏

秦法耳今天下大亂秦法不施然則慈父孝子且傳刃

公之腹中以成其名此臣之所以弔公也今諸侯畔秦

矣武信君兵且至而君堅守范陽少年皆爭殺君丁武

信君君急遣臣見武信君可轉禍為福在今矣范陽令

乃使蒯通見武信君曰足下必將戰勝然後略地攻得

然後下城臣竊以為過矣誠聽臣之計可不攻而降城

不戰而略地傳檄而千里定可乎武信君曰何謂也蒯

通曰今范陽令宜整頓其士卒以守戰者也怯而畏死

貪而重富貴故欲先天下降畏君以為秦所置吏誅殺

如前十城也然今范陽少年亦方殺其令自以城距君

君何不齎臣侯印拜范陽令范陽令則以城下君少年

亦不敢殺其令令范陽令乘朱輪華轂使驅馳燕趙郊

燕趙郊見之皆曰此范陽令先下者也即喜矣燕趙城

萬曆三十四年刊

可毋戰而降也此臣之所謂傳檄而千里定者也武信君從其計因使蒯通賜范陽令侯印趙地聞之不戰以

城下者三十餘城至邯鄲張耳陳餘聞周章軍入關至

戲却蘇林曰戲地名却兵退也又聞諸將為陳王徇地多以

讒毀得罪誅怨陳王不用其策不以為將而以為校尉

乃說武臣曰陳王起蕘至陳而王非必立六國後將軍

今以三千人下趙數十城獨介居河北晉灼曰介音漫贊曰方言云介特也不

王無以填之且陳王聽讒還報恐不脫於禍又不如立

其兄弟不即立趙後將軍毋失時時間不容息索隱曰以言舉事不可失時時機之迅速其間不容一端息頃也武臣乃聽之遂立為趙王以陳餘為

大將軍張耳為右丞相邵騫為左丞相使人報陳王陳

王大怒欲盡族武臣等家而發兵擊趙陳王相國房君

諫曰秦未亡而誅武臣等家此又生一秦也不如因而

賀之使急引兵西擊秦陳王然之從其計徙繫武臣等

家宮中封張耳子敖為成都君陳王使使者賀趙令趣

發兵西入關張耳陳餘說武臣曰王王趙非楚意特以

計賀王楚已滅秦必加兵於趙願王毋西兵北徇燕代

南收河內以自廣趙南據大河北有燕代楚雖勝秦必

不敢制趙趙王以為然因不西兵而使韓廣略燕李良

略常山張黻略上黨韓廣至燕燕人因立廣為燕王徐廣

略常山張黻略上黨韓廣至燕燕人因立廣為燕王

廣

日九趙王乃與張耳陳餘北略地燕界趙王聞出為燕
軍所得燕將囚之欲與分趙地半乃歸王使者往燕輒
殺之以求地張耳陳餘患之有廝養卒謝其舍中曰如

曰廝賤者也公羊傳曰廝役扈養韋昭曰析新為廝炊烹為養音灼
曰以辭相告曰謝也○索隱曰謂其同舍中之人也漢書作舍人吾

為公說燕與趙王載歸舍中皆笑曰使者往十餘輦輒
死若何以能得王乃走燕壁燕將見之問燕將曰知臣
何欲燕將曰若欲得趙王耳曰君知張耳陳餘何如人
也燕將曰賢人也曰知其志何欲曰欲得其王耳趙養
卒乃笑曰君未知此兩人所欲也夫武臣張耳陳餘杖
馬箠下趙數十城也張晏曰言其不用兵箠驅策而已此亦各欲

南面而王豈欲為卿相終已邪夫臣與主豈可同日而
道哉顧其勢初定未敢參分而王且以少長先立武臣
為王以持趙心今趙地已服此兩人亦欲分趙而王時
未可耳今君乃囚趙王此兩人名為求趙王實欲燕殺
之此兩人分趙自立夫以一趙尚易燕況以兩賢王左
提右挈而責殺王之罪徐廣曰平原君傳曰事成執
右券以責也券契義同耳滅燕易
矣燕將以為然乃歸趙王養卒為御而歸李良已定常
山還報趙王復使良略太原至石邑索隱曰地理
志屬常山秦兵塞
井陘未能前秦將詐稱二世使人遺李良書不封張晏曰
欲其漏

相疑曰良嘗事我得顯幸良誠能反趙為秦赦良罪貴

良得書疑不信乃還之邯鄲益請兵未至道逢趙王
姊出飲從百餘騎李良望見以為王伏謁道旁王姊醉
不知其將使騎謝李良李良素貴起慙其從官從官有
一人曰天下畔秦能者先立且趙王素出將軍下今女
兒乃不為將軍下車請追殺之李良已得秦書固欲反
趙未決因此怒遣人追殺王姊道中乃遂將其兵襲邯
鄲邯鄲不知竟殺武臣邵騷趙人多為張耳陳餘耳目
者以故得脫出收其兵得數萬人客有說張耳曰兩君
羈旅而欲附趙難獨立立趙後扶以義可就功索隱曰秦
羈旅勢弱
難以立功也獨有立六
國趙王之後可以成功乃求得趙歇徐廣曰正月也音烏轄及
案張安曰趙之苗裔立

為趙王居信都

徐廣曰後項
羽改曰襄國

李良進兵擊陳餘陳餘敗李

良李良走歸章邯章邯引兵至邯鄲皆徙其民河內夷
其城郭張耳與趙王歇走入鉅鹿城王離圍之陳餘北
收常山兵得數萬人軍鉅鹿北章邯軍鉅鹿南棘原築
甬道屬河餉王離王離兵食多急攻鉅鹿鉅鹿城中食
盡兵少張耳數使人召前陳餘陳餘自度兵少不敵秦
敢前數月張耳大怒怨陳餘使張贗陳澤正義
音釋往讓陳
餘曰始吾與公為刎頸交今王與耳旦暮且死而公擁
兵數萬不肯相救安在其相為死苟必信胡不赴秦軍
俱死且有十一二相全正義曰十中
冀一兩勝秦陳餘曰吾度前終不

能救趙徒盡亡軍且餘所以不俱死欲為趙王張君報
秦今必俱死如以肉委餓虎何益張廩陳澤曰事已急
要以俱死立信安知後慮陳餘曰吾死顧以為無益必
如公言乃使五千人令張廩陳澤先嘗秦軍索隱曰崔浩云嘗猶試
至皆沒當是時燕齊楚聞趙急皆來救張敖亦北收代
兵得萬餘人來皆壁餘旁未敢擊秦項羽兵數絕章邯
甬道王離軍乏食項羽悉引兵渡河遂破章邯徐廣曰三年十二月
也章邯引兵解諸侯軍乃敢擊圍鉅鹿秦軍遂虜王離
涉間自殺卒存鉅鹿者楚力也於是趙王歇張耳乃得
出鉅鹿謝諸侯張耳與陳餘相見責讓陳餘以不肯救

趙及問張廩陳澤所在陳餘怒曰張廩陳澤以必死責

臣臣使將五千人先嘗秦軍皆沒不出張耳不信以為

殺之數問陳餘陳餘怒曰不意君之望臣深也索隱曰望怨責也

豈以臣為重去將哉索隱曰案重訓難也或云重惜也乃脫解印綬推予

張耳張耳亦愕不受陳餘起如廁客有說張耳曰臣聞


天與不取反受其咎索隱曰此辭出國語今陳將軍與君印君不

受反天不祥急取之張耳乃佩其印收其麾下而陳餘

還亦望張耳不讓正義曰言陳餘如廁還亦怨望張耳不讓其印遂趨出張耳遂收

其兵陳餘獨與麾下所善數百人之河上澤中漁獵由

此陳餘張耳遂有卻趙王歇復居信都張耳從項羽諸



侯入關漢元年二月項羽立諸侯王張耳雅游韋昭曰雅素也○索

隱曰鄭氏云雅故也韋昭云雅素然素亦故也雅游言慣游從故多為人所稱譽人多為之言項羽亦

素數聞張耳賢乃分趙立張耳為常山王治信都信都

更名襄國陳餘客多說項羽曰陳餘張耳一體有功於

趙項羽以陳餘不從入關聞其在南皮索隱曰地理志屬勃海○正義曰故城在

滄州南皮縣北四里也即以南皮旁三縣以封之而徙趙王歇王代

徐廣曰都代縣張耳之國陳餘愈益怒曰張耳與餘功等也今張

耳王餘獨侯此項羽不平及齊王田榮畔楚陳餘乃使

夏說說田榮曰正義曰上說音悅下音武銳反項羽為天下宰不平盡王

諸將善地徙故王王惡地今趙王乃居代願王假臣兵

請以南皮為扞蔽田榮欲樹黨於趙以反楚乃遣兵從

陳餘陳餘因悉三縣兵襲常山王張耳張耳敗走念諸

侯無可歸者曰漢王與我有舊故張晏曰漢王為布衣時嘗從張耳游而項

羽又彊立我我欲之楚張晏曰羽既強盛又為所立是以狐疑莫知所往也甘公曰文

曰善說星者甘氏也○索隱曰天官書云齊甘公藝文志云楚有甘公齊楚不同未知孰是劉歆七略云公一名德漢王之入

關五星聚東井東井者秦分也先至必霸楚雖彊後必

屬漢故耳走漢徐廣曰二年十月也漢王亦還定三秦方圍章邯廢

丘張耳謁漢王漢王厚遇之陳餘已敗張耳皆復收趙

地迎趙王於代復為趙王趙王德陳餘立以為代王陳

餘為趙王弱國初定不之國留傳趙王而使夏說以相

國守代漢二年東擊楚使使告趙欲與俱陳餘曰漢殺

張耳乃從於是漢王求人類張耳者斬之持其頭遺陳

餘陳餘乃遣兵助漢漢之敗於彭城西陳餘亦復覺張

耳不死即背漢漢三年韓信已定魏地遣張耳與韓信

擊破趙井陘徐廣曰三斬陳餘泚水上徐廣曰在常山音遲一

殺趙王歇襄國漢立張耳為趙王徐廣曰四年十一月漢五

年張耳薨謚為景王子敖嗣立為趙王高祖長女魯元

公主為趙王敖后漢七年高祖從平城過趙趙王朝夕

袒韓蔽者臂捍也徐廣曰自上食禮甚卑有子壻禮高祖箕倨詈

甚慢易之索隱曰崔浩云屈膝坐其形如箕趙相貫高趙午等年六十餘

曰玉叔傳云趙相趙午等數十人皆怒然則或宜言六十餘人故張耳客也生平為氣乃怒曰

吾王孱王也孟康曰音如潺湲之潺冀州人謂懦弱為孱韋昭曰仁謹兒○索隱曰案眠虔音鉏閑反弱小兒也小顏

音仕連反說王曰夫天下豪傑並起能者先立今王事高祖甚

恭而高祖無禮請為王殺之張敖齧其指出血索隱曰案小顏云齧

指以表至誠為其約誓曰君何言之誤且先人亡國賴高祖得復國

德流子孫秋豪皆高祖力也願君無復出口貫高趙午

等十餘人皆相謂曰乃吾等非也吾王長者不倍德且

吾等義不辱今怨高祖辱我王故欲殺之何乃洿王為

乎索隱曰漢書作汗蕭該音一故反說文云汗穢也令事成歸王事敗獨身坐耳漢

萬曆二十四年刊

長江東余川專二九

八年上從東垣還過趙貫高等乃壁人柏人

索隱曰謂於柏人縣館舍

壁中著人欲為變也○正義曰柏人故城在邢州柏人縣西北十二里即高祖宿處也

要之置

韋昭曰為供置也○索隱曰文

穎云置人於厠壁中以伺高祖也張晏云繫壁空之令人止中也今按云置厠者置人於復壁中謂之置厠厠者之厠之處因以為言也亦音

側上過欲宿心動問曰縣名為何曰柏人柏人者迫於

人也不宿而去漢九年貫高怨家知其謀乃上變告之

於是上皆并逮捕趙王貫高等十餘人皆爭自剄貫高

獨怒罵曰誰令公為之今王實無謀而并捕王公等皆

死誰白王不反者乃轆車膠致

正義曰謂其車上著板四周如檻形膠密不得開送致京師也

與王詣長安治張敖之罪上乃詔趙羣臣賓客有敢從

王皆族貫高與客孟舒等十餘人皆自髡鉗為王家奴

從來貫高至對獄曰獨吾屬為之王實不知吏治榜笞

數千刺劓

徐廣曰丁劣反○索隱曰案掇亦刺也漢書作刺

身無

可擊者終不復言呂后數言張王以魯元公主故不宜

有此上怒曰使張敖據天下豈少而女乎不聽廷尉以

貫高事辭聞上曰壯士誰知者以私問之

贊曰以私情相問

中大

夫泄公曰

正義曰泄姓也史有泄私

臣之邑子素知之此固趙國立名

義不侵為然諾者也上使泄公持節問之

徐廣曰復音鞭

駟案韋昭曰輿如今輿林人輿以行○索隱曰服虔云音編編竹木如今峻可以糞除也何休注公羊笱音峻笱者竹篾一名編齊魯已北名

為笱郭璞三蒼注云復轡土器

仰視曰泄公邪泄公勞苦如生平驩與語

問張王果有計謀不高曰人情寧不各愛其父母妻子

萬曆二十四年刊

長耳東徐列傳二十九

十一

五十四

乎今吾二族皆以論死豈以王易吾親哉顧為王實不
反獨吾等為之具道本指所以為者王不知狀於是泄
公入具以報上乃赦趙王上賢貫高為人能立然諾使
泄公具告之曰張王已出因赦貫高貫高喜曰吾王審
出乎泄公曰然泄公曰上多足下故赦足下貫高曰所
以不死一身無餘者白張王不反也今王已出吾責已
塞死不恨矣且人臣有篡殺之名何面目復事上哉縱
上不殺我我不愧於心乎乃仰絕脰遂死韋昭曰脰咽也○
頸大脉也俗所謂胡脉音當此之時名聞天下張敖已出以
索隱曰韋昭曰尚奉也○不敢言取崔浩云
奉事公主小顏云尚配也易得尚于中行
尚魯元故封為宣平侯

王弼亦以尚為配恐非其義於是上賢張王諸客以鉗奴從張王入關

無不為諸侯相郡守者及孝惠高后文帝孝景時張王

客子孫皆得為二千石張敖高后六年薨關中記曰張敖

正義曰魯元公主墓在咸陽縣西北二十五里次東有張敖冢與公主同域又張耳墓在咸陽縣東三十三里子偃為魯元

王以母呂后女故呂后封為魯元王索隱曰案謂偃以其母號而封也元王

弱兄弟少乃封張敖他姬子二人壽為樂昌侯徐廣曰漢紀張酺傳

曰張敖之子壽封樂昌侯食細陽之地陽鄉也修為信都侯高后崩諸呂無道大臣

誅之而廢魯元王及樂昌侯信都侯孝文帝即位復封

故魯元王偃為南宮侯續張氏張敖謚武侯張偃之孫有罪絕信都侯名修樂昌侯名壽

太史公曰張耳陳餘世傳所稱賢者其賓客廝役莫非



天下俊桀所居國無不取卿相者然張耳陳餘始居約

時漢書音義曰在貧賤時也相然信以死豈顧問哉索隱曰葛洪要用字宛云然猶爾也謂相和同

諾者何也謂然諾相信雖死不顧也及據國爭權卒相滅亡何鄉者相慕用

之誠後相倍之戾也豈非以利哉索隱曰有本作私利交漢書作勢利交故廉頗傳云

天下以市道交君有勢則從君無勢則去此固其理也名譽雖高賓客雖盛所由殆與

太伯延陵季子異矣

索隱述贊曰張耳陳餘天下豪俊忘年羈旅

刎頸相信耳圍鉅鹿餘兵不進張既望深

陳乃去印勢利傾奪隙未成豐

張耳陳餘列傳第二十九 史記八十九

魏豹彭越列傳第三十 史記九十

魏豹者故魏諸公子也其兄魏咎故魏時封為寧陵君

索隱曰案彭越傳云魏豹魏王咎從弟真魏後也音灼云寧陵梁國縣也即今寧陵是秦滅魏遷咎為家人

陳勝之起王也正義曰王于放反咎往從之陳王使魏人周市徇

魏地魏地已下欲相與立周市為魏王周市曰天下昏

亂忠臣乃見索隱曰老子曰國家昏亂有忠臣此取以為說也今天下共畔秦其義

必立魏王後乃可齊趙使車各五十乘立周市為魏王

市辭不受迎魏咎於陳五反陳王乃遣立咎為魏王徐廣

曰元年十月也章邯已破陳王乃進兵擊魏王於臨濟正義曰故

高苑縣北一里本漢縣魏王乃使周市出請救於齊楚齊楚遣項它

高苑縣北一里本漢縣

田巴將兵隨市救魏

索隱曰案田巴楚將也○正義曰徒多反

章邯遂擊破

殺周市等軍圍臨濟外為其民約降約定咎自燒殺魏

豹亡走楚

徐廣曰二年六月

楚懷王予魏豹數千人復徇魏地項

羽已破秦降章邯豹下魏二十餘城立豹為魏王豹引

精兵從項羽入關漢元年項羽封諸侯欲有梁地乃徒

魏王豹於河東都平陽

正義曰今晉州

為西魏王漢王還定三

秦渡臨晉

正義曰臨晉在河州朝邑縣界

魏王豹以國屬焉遂從擊楚於

彭城漢敗還至滎陽豹請歸視親病至國即絕河津畔

漢漢王聞魏豹反方東憂楚未及擊謂酈生曰緩頰往

說魏豹能下之吾以萬戶封若酈生說豹豹謝曰人生

一世間如白駒過隙耳

索隱曰莊子云無異騏驎之馳過隙謂馬也小顏云白駒謂日影也隙壁隙

也以言速疾若日影過壁隙也

今漢王慢而侮人罵詈諸侯羣臣如罵奴

耳非有上下禮節也吾不忍復見也於是漢王遣韓信

擊虜豹於河東

徐廣曰二年九月也

傳詣滎陽以豹國為郡

高祖本紀曰置三郡

河東太原上黨

漢王今豹守滎陽楚圍之急周苛遂殺魏豹

彭越者昌邑人也

正義曰漢武更山陽為昌國有梁丘鄉梁丘故城在曹州城武縣東北二十三里

字仲

常漁鉅野澤中為羣盜陳勝項梁之起少年或謂越曰

諸豪桀相立畔秦仲可以來亦效之彭越曰兩龍方鬪

且待之居歲餘澤間少年相聚百餘人往從彭越曰請

仲為長越謝曰臣不願與諸君少年彊請乃許與期旦

萬曆二十四年刊

史記卷之九

張

日日出會後期者斬索隱曰旦日謂明日之朝日出時也旦日日出十餘人

後後者至日中於是越謝曰臣老諸君彊以為長今期

而多後不可盡誅誅最後者一人令校長斬之皆笑曰

何至是請後不敢於是越乃引一人斬之設壇祭乃令

徒屬徒屬皆大驚畏越莫敢仰視乃行略地收諸侯散

卒得千餘人沛公之從碭北正義曰音庫郎反宋州碭山縣擊昌邑彭越

助之昌邑未下沛公引兵西彭越亦將其眾居鉅野中

收魏散卒項籍入關王諸侯還歸彭越眾萬餘人毋所

屬漢元年秋齊王田榮畔項王漢乃使人賜彭越將軍

印使下濟陰以擊楚楚命蕭公角正義曰蕭縣今楚縣令稱公角名將兵

擊越越大破楚軍漢王二年春與魏王豹及諸侯東擊

楚彭越將其兵三萬餘人歸漢於外黃漢王曰彭將軍

收魏地得十餘城欲急立魏後今西魏王豹亦魏王咎

從弟也真魏後乃拜彭越為魏相國擅將其兵略定梁

地索隱曰檀猶專也漢王之敗彭城解而西也彭越皆復亡其所

下城獨將其兵北居河上正義曰滑州河上漢王三年彭越常往

來為漢游兵擊楚絕其後糧於梁地漢四年冬項王與

漢王相距滎陽彭越攻下睢陽外黃十七城正義曰睢陽宋州宋城也

外黃在汴州雍丘縣東項王聞之乃使曹咎守城皐正義曰河南府汜水是自東

收彭越所下城邑皆復為楚正義曰為干瀉反越將其兵北走穀

城

正義曰在齊州東阿縣東二十六里是

漢五年秋項王之南走陽夏

正義曰夏古雅反陳

州太康縣也

彭越復下昌邑旁二十餘城得穀十餘萬斛以給

漢王食漢王敗使使召彭越并力擊楚越曰魏地初定

尚畏楚未可去漢王追楚為項籍所敗固陵

正義曰固陵名在陳州苑

立縣西北三十二里

乃謂留侯曰諸侯兵不從為之奈何留侯曰齊

王信之立非君王之意信亦不自堅彭越本定梁地功

多始君王以魏豹故拜彭越為魏相國今豹死毋後且

越亦欲王而君王不蚤定與此兩國約即勝楚睢陽以

北至穀城

正義曰從宋州已北至鄆州以西曹濮汴滑並與彭越

皆以王彭相國從陳

以東傳海

正義曰從陳潁州北以東亳泗徐淮北之地東至海并淮南淮陰之邑盡與韓信韓信又先有故齊魯地

與齊王信齊王信家在楚此其意欲復得故邑君王能

出捐此地許二人二人今可致即不能事未可知也於

是漢王乃發使使彭越如留侯策使者至彭越乃悉引

兵會垓下

正義曰在亳州也

遂破楚五年項籍已死春立彭越為

梁王都定陶

正義曰曹州

六年朝陳九年十年皆來朝長安

十年秋陳豨反代地高帝自往擊至邯鄲徵兵梁王梁

王稱病使將將兵詣邯鄲高帝怒使人讓梁王梁王恐

欲自往謝其將扈輒曰王始不往見讓而往往則為禽

矣不如遂發兵反梁王不聽稱病梁王怒其太僕欲斬

之太僕亡走漢告梁王與扈輒謀反於是上使使掩梁

王梁王不覺捕梁王囚之雒陽有司治反形已具張晏曰

越反不聽而云反形已具有司非也請論如法上赦以為尾輒勸

庶人傳處蜀青衣文穎曰青衣縣名在蜀逢呂后從長安來欲之雒陽道索隱曰蘇林云縣名今為臨邛西

至鄭索隱曰地理志鄭屬京兆○正義曰華州見彭王彭王為呂后泣涕自言無罪願處故昌邑呂后

許諾與俱東至雒陽呂后白上曰彭王壯士今徙之蜀

此自遺患正義曰遺唯季反不如遂誅之妾謹與俱來於是呂后

乃令其舍人告彭越復謀反廷尉王恬關奏請族之上

乃可遂夷越宗族國除

太史公曰魏豹彭越雖故賤然已席卷千里正義曰言魏地闊千里如

席卷南面稱孤喋血乘勝日有聞矣徐廣曰一作啜韓傳亦有喋血語也○索隱曰

音喋喋猶踐也敵踐血而行孝文紀喋血京師是也懷畔逆之意及敗不死而虜囚

身被刑戮何哉中材已上且羞其行况王者乎彼無異

故智略絕人獨患無身其得攝尺寸之柄其雲蒸龍變

欲有所會其度以故幽囚而不辭云

索隱述贊曰

魏咎兄弟 因時而王 豹後屬楚

其國遂亡 仲起昌邑 歸漢外黃

往來聲援 再續軍糧 徵兵不往

菹醢何傷


萬曆二十四年刊

魏豹彭越列傳

委務直史列傳

五十二

李



列傳第三下

史九

